

Tabela Konteúdu

Tabela Konteúdu.....	1
Sumáriu Ezekutivu	2
Intodusau	7
Parlamentu Nasionál	10
Rekursu Umanu.....	11
Espasu Servisu.....	12
Pontualidade no Impaktu ba Produtividade Parlamentu Nasionál	13
Prezensa Deputadu sira iha Reuniaun Plenaria	14
Reuniaun Plenaria.....	19
Reuniaun Komisaun A	20
Produtividade.....	20
<i>Gráfiku 13 Partisipasaun deputadu sira-nian iha prosesu lejizlativu</i>	21
<i>Gráfiku 15 Partisipasaun deputadu sira-nian iha foti desizaun política.....</i>	22
Komisaun Espesializada Permanente sira	22
Komisaun Eventuál	24
Komisaun Permanente.....	25
Ratifikasioun adezaun ba Tratadu no Konvensaun Internasional.....	27
Observasaun Krítika ba Dezenvolvimentu Situasaun Política	28
Impase política	28
Disolusaun Parlamentu Nasionál.....	28
Eleisaun Antesipada	30
Observasaun ba Eleisaun Jerál Antesipada	32
Governu Konstitusional VIII no Rejeisaun ba Lista Memburu Governu balun	35
Kanselamentu Viajen Prezidente Repúblika ba Rai Li'ur	36
Orsamentu Jerál Estadu (OJE) 2018	37
Kategoria OJE 2018	37
Prosesu diskusaun no aprovisaun iha espesialidade	38
Deklarasaun políтика no pedidu kriasaun Komisaun Inkéritu Parlamentár	41
Advokasia.....	43
Preokupasaun membru Konsellu Suku no membru Grupu LGBT.....	46
<i>Gráfiku 14 Rezultadu pre no pós teste hosi treinamento kona-ba demokrasia no asesu ba justisa suku.....</i>	51
<i>Gráfiku 11 Rezultadu pre no pós teste hosi treinamento kona-ba demokrasia no asesu ba justisa suku.....</i>	52
Semináriu Rejionál.....	52
Konkluzaun no Rekomendasau.....	54
Aneksu.....	56

Sumáriu Ezekutivu

Parlamentu Nasionál (PN) nu'udar órgaun soberanu ida hosi orgaun soberanu Estadu nian ne'ebé reprezenta povu tomak ho podér atu halo lei, fiskalizasaun no foti desizaun política tui Artigu 92 Konstituisaun RDTL.

Aleinde Konstituisaun, iha enkuadramentu legál lubuk ida mak regula kona-ba Parlamentu Nasionál nia estrutura, organizasaun, funzionamentu, administrasaun, jestaun no prosesu inkéritu. Lei sira ne'e mak hanesan Lei Nú. 4/2002 kona-ba Órganika Parlamentu Nasionál ne'ebé revoga ho Lei Nú. 15/2008 ne'ebé revoga fali ho Lei Nú. 12/2017 kona-ba Lei Organizasaun no Funzionamentu Administrasaun Parlamentár, Lei Nú. 4/2009 kona-ba Rejime Jurídu ba Inkéritu Parlamentár, Lei Nú. 15/2009 ne'ebé altera ho Lei Nú. 1/2016 kona-ba Rejimentu Parlamentu no Lei Nú. 10/2016 ne'ebé Aprova Estatutu Funzionáriu Parlamentu Nasionál.

Iha termu rekursu umanu, tuij dadus ne'ebé JSMP hetan, Parlamentu Nasionál iha funzionáriu públiku no funzionáriu nomeasaun política. Totál funzionáriu públiku no funzionáriu nomeasaun política hamutuk na'in 175 ne'ebé kompostu hosi funzionáriu públiku (permanente) ema na'in 147 no funzionáriu nomeasaun política hamutuk ema na'in 28. Hosi aspeitu igualdade jéneru, iha balansu ne'ebé pozitivu entre feto no mane. Iha funzionáriu públiku, feto konstitui 42% no mane 55.78%. Enkuantu funzionáriu nomeasaun política sira, número feto no mane hanesan. Númeru totál balansu jéneru hosi totál funzionáriu, feto konstitui 45% no mane 55%.

Aleinde rekursu umanu, espasu ba servisu mós importante no kontribui ba servisu no funzionamentu Parlamentu Nasionál ho efetivu no eficiente. Durante tinan barak JSMP deskobre katak fatin servisu ba deputadu sira no funzionáriu sira la adekuadu atu kontribui no asegura servisu ne'ebé kualidade no produtivu. JSMP hanoin importante atu Sekretáriu-Jerál Parlamentu Nasionál inklui orsamentu hodi hadi'a espasu servisu PN tuij kompétensia ne'ebé defini iha Artigu 22 (2) letra (b), Lei Nú. 12/2017, bainhira planu atu harii edifísiu foun ba PN sei han tempu naruk hodi realiza.

Enkuantu reuniaun plenária no komisaun sira-nian regula ho Rejimentu Parlamentu Nasionál. Oráriu reuniaun plenaria no Komisaun sira-nian tuij Artigu 46 (2) Rejimentu Parlamentu nian mak iha periódus dader hahú hosi tuku 09:00 to'o 12:30 no periódus loraik nian hahú hosi 15:00 to'o 18:00.

JSMP deskobre katak deputadu sira kontinua la kumpri Rejimentu Parlamentu nian kona-ba pontualidade. Reuniaun plenaria no Komisaun hahú sempre tarde entre tuku 10:00 ba leten no

dalaruma kompletamente la bele halo reuniaun tanba kuórum la to'o. Iha períodu disolusaun Parlamentu Nasional nian, Komisaun Permanente kuaze la funsiona totalmente.

Mezmu nune'e, rezultadu observasaun diáriu no dadus prezensa no partisipasaun deputadu Lejizlatura V sira-nian hatudu mudansa pozitivu kompara ho lejizlatura sira uluk nian. Falta injustifikadu sei nafatin aas maibé kompara ho Lejizlatura IV nian falta injustifikadu diminui kuaze 71%. Média partisipasaun deputadu sira-nian iha prosesu lejizlativu mós aas kompara ho lejizlatura sira anteriór.

Iha aspeitu produtividade, iha períodu sorin-baluk hahú hosi 13 Juñu to'o 31 Dezembru 2018, hatudu katak PN konsege prodús lei 4 no rezolusaun 19. Mezmu nune'e JSMP hanoin katak PN presiza tau iha prioriedade lei importante lubuk ida ne'ebé pendente ka kadukadu ona atu diskute no aprova iha periodu sira tuirmai. Projeto lei hirak-ne'e mak hanesan Lei Anti-Korrupsaun, Lei Reparasaun Nasional ba Vitima, Lei Instititu ba Memoria Pública, Lei Orden Advogadu, Lei Protesaun Labarik no Lei Justisa Juvenil.

Durante periodu periodu sorin-baluk ne'e, JSMP rejista katak PN envolve ativamente partisipasaun pública nian iha prosesu lejizlativu no konsidera kontributu público nian iha produtu lejizlativu sira.

Aleinde asuntu sira relevante ba Parlamentu Nasional, JSMP mós halo observasaun krítica ba situasaun política iha periodu 2018 nian. Tuir observasaun JSMP nian, situasaun impase política ne'ebé hahú iha 2017 continua to'o 2018 ne'ebé prodús presedénsia política balun iha periodu ida-ne'e. Porzemplu disolusaun ba Parlamentu Nasional, eleisaun antesipada, rejeisaun nomeasaun ba lista balun hosi membru Governu VIII nia no blokeiu viajen Presidente República ba rai li'ur.

Disolusaun PN nu'udar rekursu ultimu ne'ebé Presidente-Republika tenke halao hodi normaliza situasaun política rai laran. Mezmuke mosu polémika oioin kona-ba desizaun Presidente-Republika nian hodi dissolve Parlamentu Nasional, JSMP hanoin katak desizaun ne'e sei iha koridór norma konstitusionál no legál no nu'udar solusaun político intermediáriu ida-ne'ebé neutru no politikmente justu ba parte hotu.

Enkuantu eleisaun antesipada, mezmuke primeiravés akontese iha situasaun política ida-ne'ebé potensiál ba konflitu, maibé ikus-mai povu tomak konsege utrapasa ipóteze ida-ne'e no prova katak povu Timor iha ona maturidade, konsénsia político no kapasidade hodi jere situasaun ne'e atu evita krize boot seluk ne'ebé bele akontese. Esperensia ida-ne'e serve hanesan referénsia no memoria istoriku di'ak ba jerasaun sira iha futuru.

Depoisde eleisaun antesipada no bainhira iha formasaun Governu Konstitutionál VIII mosu tan presedénsia foun seluk mak rejeisaun nomeasaun ba lista membru governu balun hosi Presidente Repúblika tanba kestaun prosesu judisiál. Tuir JSMP nia hanoin katak atu garante dalan ba promove governasaun ne’ebé di’ak no moos nesesariamente atu eskolla servidór Estadu ne’ebé livre hosi alegasaun kriminál, liului korrupsaun.

JSMP fiar katak desizaun Prezidente-Republika nu’udar pasu pozitivu ida atu promove boa governasaun no kombate korrupsaun. Embora iha pro-kontra kona-ba desizaun ne’e, tanba potensialmente iha konflitu ho prinsípiu ‘prezunsaun inosente’ ne’ebé konsagra iha Konstituisaun Republika no konvensaun internasional ratifikadu sira, maibé desizaun ne’e manifesta mensajem forte kona-ba importánsia hosi komitmentu nível estadu tomak atu promove no garante prinsípiu governasaun di’ak.

Até relatório ne’e prodús seidauk iha solusaun política ruma kona-ba nomeasaun membru governu pendente hirak ne’e. JSMP rekomenda dalabarak ona atu koligasaun partidáriu Aliansa Maioria Parlamentár (AMP) ka individualmente hosi kandidatu sira ne’ebé afeitadu hosi desizaun Prezidente-Republika nian bele esplora knaal konstitutionál liuhosi tribunál hodi hakotu polémika interpretasaun ba kompétensia tuir artigu 106 (2) kona-ba nomeasaun. Infelismente la iha vontade ruma hosi elementu hirak-ne’e atu rezolve kazu ne’e tuir-dalan legal-konstitutionál no lejítimu.

Ida-ne’e resulta implikasaun sériu ba relasaun komunikasaun política entre Prezidente-Republika no koligasaun partidaria AMP. PN liuhosi rezolusaun iha plenária blokeia pedidu deslokasaun Prezidente Repúblika nian ba rai li’ur dala haat tutuir-malu ne’ebé inklui vizita ba Portugal, Estadus Unidus, Indonézia no Vatikanu-Roma.

JSMP konsidera prática política sira hanesan ne’e kontra-produtivu no la seguru ba demókrasia no ba interesse nasional, tanba implika relasaun no komunikasaun política ne’ebé la saúdavel entre Prezidénsia-Repúblika, PN, no governu, ne’ebé afeita ba funzionamentu vida nasaun no povu ki’ik sira.

Iha parte seluk, relatório ne’e, aleinde haktuir servisu observasaun ba PN, JSMP mós halo observasaun ba situasaun política, advokasia no treinamentu iha comunidade sira. Atividade advokasia nu’udar meiu ida-ne’ebé JSMP uza hodi influénsia desizaun sira iha sistema política, lejizlativu no mós judisiáriu, inklui hadi’a no promove direitu umanu no justisa, transparánsia no akontabilidade instituisaun no órgaun sira Estadu nian.

Advokasia através hosi forma oioin; porzemplu liuhosi hakerek paraser, komunikadu imprensa, halo audénsia, partisipa iha rede direitu umanu no justisa nasionál no internasional no halo publikasaun iha mídia impremi no elektrónica, rádiu no televizaun.

Durante tinan 2018 JSMP prodús paraser hamutuk hitu (7) ne'ebé inklui nota pozisaun JSMP nian kona-ba alokasaun Orsamentu Jerál Estadu (OJE) 2019 ba setór justisa, progresu no dezafiu sira kona-ba dezenvolvimentu lejizlativu iha Timor-Leste, obrigasaun Estadu Timor-Leste iha prosesu rekrutamento no iha fatin empregu: haree ba progresu no dezafiu implementasaun Konvensaun kona-ba Halakon Forma Diskriminasaun Hothotu Hasoru Feto (CEDAW), implementasaun Konvensaun Internasional ba Direitu Sivíl no Polítika (ICCPR) liuhosi Perspetiva Lei Nú. 1/2006 kona-ba Liberdade Reuniaun no Manifestasaun, kompromísiu atu kombate krime korrupsaun, kompeténsia Komisaun Anti-Korrupsaun (KAK) no ninia dezafiu sira, disolusaun Parlamentu Nasional no efeitu ba lejitimidade política Governu atuál no rezultadu monitorizasaun no deskobrimento JSMP nian iha Setór Justisa.

JSMP mós halo advokasia liuhosi audiénsia público hamutuk ho sosiedade sivíl sira seluk. Audiénsia sira ne'e mak hanesan Ministru Justisa hodi rekomenda atu kriminaliza insestu, audiénsia ho Presidente Tribunál Rekursu no Prokuradór Jerál República hodi apresenta deskobrementu JSMP nian iha setór justisa. Nune'e mós audiénsia ho Sekretáriu Estadu ba Asuntu Igualdade no Inkluzaun hodi ko'alia kona-ba hadi'a Kódigu Penál, audénsia ho Komisaun F Parlamentu Nasional hodi introdús servisu JSMP nian no audénsia ho Presidente Parlamentu Nasional hodi apresenta deskobrimento JSMP nian.

JSMP mós facilita treinamento ba membru Konsellu Suku nomós ba membru komunidade grupu *Lesbian, Gay, Bisexual* no *Transgender* (LGBT) iha Jurisdisaun Tribunál Distritál Dili, Baucau, Suai no Tribunál Distritál Oecusse.

Totál treinamento hamutuk 11 ne'ebé kompostu hosi treinamento ba membru konsellu suku no komunidade hamutuk 8 ba suku 8. Entretantu treinamento ba komunidade LGBT hamutuk dala 3 iha nivél munisípiu.

Objetivu hosi treinamento hirak-ne'e mak atu hasa'e koñesimentu parte sira ne'e nian iha demokrasia, knaar órgaun soberanu sira-nian, partisipasaun público iha prosesu halo lei no asesu ba justisa formal.

Totál partisipante hosi treinamentu ba komunidade LGBT hamutuk ema na'in 84. Iha parte seluk, totál partisipante sira hosi treinamentu ba membru konsellu suku no komunidade sira hamutuk ema na'in 247, ne'ebé kompostu hosi feto na'in 102 no mane na'in 145.

Durante treinamentu sira ne'e, JSMP rejista preokupasaun komunidade sira-nian relasiona ho situasaun política relativamente ba kestaun disolusaun Parlamentu Nasionál, eleisaun antesipada no formasaun governu. Aleinde ne'e, membru komunidade sira mós preokupa kona-ba desizaun PN balun ne'ebé sira konsidera la refleta interesse povu maioria ne'ebé deputadu sira reprezenta, tanba kria inserteza política ne'ebé prejudika vida Estadu-nasaun no povu ki'ik sira. Komunidade sira mós lamenta kona-ba falta sosializasaun ba lei importante no relevante sira ba komunidade sira hanesan Lei Kontra Violénsia Doméstika, Lei Suku, Lei Titulár ba Sasán Imóvel, Lei Espropriasaun no Lei Ordenamentu Teritóriu.

Bazeia ba preukupasaun sira ne'e JSMP rekomenda ba Parlamentu Nasionál atu:

- 1) Dezenvolve Programa Nasionál Lejizlasaun ba iha kada Lejizlatura atu bele tau iha prioriedade lei importante sira ne'ebé iha tinan barak pendente nomós kaduka iha Parlamentu Nasionál. Ne'e inklui Projeytu Lei Reparasaun no Institutu Memoria Pública atu bele asegura justisa tranzitória ba vítima krime pasadu nian; Lei Anti Korrupsaun atu bele haforsa servisu Ministériu Públiku no KAK iha kombate korruptsau no Lei Kriasaun Orden Advogadu nian hodi reforsa asesu ba justisa, no Lei Protesaun ba Labarik atu bele asegura no proteje ho di'ak direitu labarik sira nian.
- 2) Deputadu sira atu halo tuir Rejimentu Parlamentu Nasionál nian hodi tama sai servisu pontuál no dixiplina nune'e bele hatudu imajen di'ak ba públiku nu'udar órgaun soberanu ne'ebé reprezenta povu no bele halo servisu ho di'ak atu bele aselara lei importante sira.
- 3) Aplika sansaun dixiplinár ba membru deputadu ne'ebé viola Rejimentu Parlamentu nian, nune'e bele prevene hahalok hanesan akontese iha futuru.
- 4) Evita no hamenus diskusaun no práтика política ne'ebé orientadu ba interesse política partidáriu no kontra-produtivu ka vingansa política sira ne'ebé prejudika interesse nacionál.
- 5) Parlamentu Nasionál no instituisaun Estadu relevante sira atu envolve ativamente partisipasaun público nian iha prosesu lejizlativu no habelar informasaun kona-ba lei importante sira ne'ebé ligadu ba interesse komunidade sira-nian hanesan Lei

Suku, Lei Titulár ba Sasán Imóvel, Lei Espropriasaun, Lei Ordenamentu Territóriu no Lei Kontra Violénsia Doméstika, nune'e bele tulun líder lokál no komunidade sira bele hatene oinsa trata asuntu sira ne'e bainhira akontese iha sira-nia komunidade.

- 6) Sekretáriu Jerál Parlamentu Nasionál atu halo planu orsamentu ba hadi'a fasilidade ka espasu servisu ne'ebé di'ak no apropiadu ba deputadu sira no funzionáriu sira atu asegura efetividade servisu PN nian.

Introdusaun

Programa Monitorizasaun ba Sistema Judisiáriu (JSMP)¹ harii iha 2001 ho nia vizaun atu harii sosiedade demokrátika ida-ne’ebé garante justisa no direitu umanu ba ema hotu. JSMP nia misaun atu atinje nia vizaun ne’e mak servisu ho espíritu kolaborativu hodi promove no proteje demokrasia, lei, direitu umanu no justisa liuhosi monitorizaun, edukasaun no advokasia.

JSMP harii unidade Programa Observasaun Parlamentu (POP) iha 2010 atu kontribui ba hadi’ a no halo-efetivu liután funzionamentu Parlamentu Nasional iha hala’o nia knaar iha halo lei, fiskalizasaun no foti desizaun politika. Aleinde ne’e, JSMP mós bele kontribui ho efetivu iha prosesu lejizlativu nian liuhosi audénsia no hato’o paraser ba Parlamentu Nasional atu bele asegura katak lei sira ne’ebé Parlamentu prodús refleta interese no aspirasaun povu tomak nian no mós asegura partisipasaun públiku nian iha prosesu ne’e rasik.

Através programa ida-ne’e, JSMP mós hala’o nia knaar hanesan intermediáriu ne’ebé liga komunidade sira iha suku rurál sira ho órgaun soberanu sira, partikularmente Parlamentu Nasional no instituisaun sira setór judisiáriu nian. Atividade hirak ne’e transmite liuhosi habelar informasaun ba komunidade sira kona-ba knaar órgaun soberanu sira-nian no kanaliza fali saida mak komunidade sira-nia hanoin, preokupasaun no rekomendasau sira ba órgaun soberanu sira liuhosi audiénsia no publikasaun sira. Alende ne’e, JSMP mós organiza semináriu nasional no rejionál atu bele facilita kontaktu direta entre membru membru konsellu suku, membru komunidade suku no LGBT sira ho membru Parlamentu Nasional no autór judisiáriu sira.

Relatório anuál POP 2018 ne’e, sei deskreve atividade prinsipál tolu mak hanesan monitorizaun ba Parlamentu Nasional, advokasia no treinamentu ba komunidade suku no LGBT.

Aleinde ne’e, JSMP mós halo observasaun no analiza krítika ba situasaun politika iha 2018. Analiza ne’e atu bele kobre situasaun no akontesementu importante sira, hahú hosi disolusaun Parlamentu Nasional to’o formasaun Governu Konstitusionál VIII nian.

¹Bele vizita pájina web JSMP nian iha ne’e: www.jsmp.tl

Iha parte monitorizasaun ba Parlamentu Nasionál, sei deskreve kona-ba kestaun pontualidade no prezensa deputadu sira-nian iha reuniaun Plenaria no Komisaun sira, inklui produtividade iha halo lei, fiskalizasaun no foti desizaun política.

Iha parte advokasia, sei deskreve kona-ba paraser ne'ebé hato'o ba Parlamentu Nasionál, Governu no instituisaun relevante sira seluk, komunikadu imprensa no publikasaun sira iha mídia impresu. Aleinde ne'e, halo mós observasaun ba Orsamentu Jerál Estadu 2018 nian.

Iha parte preokupasaun komunidade sira-nian, JSMP sei deskreve preokupasaun sira ne'ebé komunidade sira hato'o durante halo treinamento iha suku remota sira. Preokupasaun sira ne'e, JSMP hakarak kanaliza ba órgaun no instituisaun Estadu relevante sira liuhosi rekomendasaun iha relatório ida ne'e.

Iha parte finál mak konstitui konkluzaun no rekomendasaun ne'ebé JSMP hato'o ba Parlamentu Nasionál no instituisaun relevante sira atu bele tau iha konsiderasaun hodi bele hadi'a funzionamentu sistema sira Estadu nian.

Estrutura relatório ne'e hanesan tuir mai:

- ✓ Parte 1 Introdusaun
- ✓ Parte 2 Funzionamentu Parlamentu Nasionál
- ✓ Parte 3 Observasaun Krítika ba Situasaun Polítika 2018
- ✓ Parte 4 Advokasia
- ✓ Parte 5 Preokupasaun Komunidade sira-nian
- ✓ Parte 6 Konkluzaun no Rekomendasaun
- ✓ Parte 7 Aneksu.

Parlamentu Nasional

Parlamentu Nasional (PN) nu'udar órgaun soberanu Estadu nian ne'ebé reprezenta povu tomak ho podér atu halo lei, fiskalizasaun no foti desizaun políтика hanesan prevee iha Artigu 92 Konstituisaun RDTL². Konstituisaun mós atribui kompeténsia próprio ka eskluzivu ba PN hanesan prevee iha Artigu 95 Konstituisaun RDTL no kompeténsia sira ne'ebé bele fahe ho Governu liuhosi autorizasaun hanesan prevee iha Artigu 96 Konstituisaun RDTL. Aleinde iha kompeténsia halo lei, Konstituisaun mós atribui kompeténsia hodi halo apresiasaun ba diploma lejizlativu hosi Governu hanesan iha Artigu 98 Konstituisaun RDTL.

Bainhira PN ezerse nia podér no hala'o nia knaar sira tuir kompeténsia ne'ebé Konstituisaun atribui ne'e, PN presiza halo tuir enkuadramentu legál sira ne'ebé regula kona-ba nia estrutura, organizasaun, funsionamentu, administrasaun, jestaun no prosesu inkéritu. Lei sira ne'e mak hanesan Lei Nú. 4/2002 kona-ba Órganika Parlamentu Nasional³ ne'ebé revoga ho Lei Nú. 15/2008⁴ ne'ebé revoga fali ho Lei Nú. 12/2017 kona-ba Lei Organizasaun no Funsionamentu Administrasaun Parlamentár⁵, Lei Nú. 4/2009 kona-ba Rejime Jurídu ba Inkéritu Parlamentár⁶, Lei Nú. 15/2009⁷ ne'ebé altera ho Lei Nú. 1/2016 kona-ba Rejimentu Parlamentu⁸ no Lei Nú. 10/2016 ne'ebé Aprova Estatutu Funsionáriu Parlamentu Nasional⁹.

Relasiona ho enkuadramentu legál sira ne'e temi iha leten, JSMP rekomenda katak bainhira kria lei foun hodi revoga lei tuan tenke asegura katak lei sira ne'ebé iha ligasaun ba malu ka lei ne'ebé revogadu presiza hetan alterasaun, nune'e iha implementasaun la hamosu konfuzau. Hanesan exemplu, iha Lei Nú. 10/2016 rasik, iha

² Bele asesu iha ne'e versaun elektrónika Konstituisaun RDTL versaun Tetun:
http://www.mj.gov.tl/jornal/public/docs/ConstituicaoRDTL_tetum.pdf no Portugés:
http://www.mj.gov.tl/jornal/public/docs/ConstituicaoRDTL_Portugues.pdf

³ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2002_2005/leis_parlamento_nacional/4_2002.pdf

⁴ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2008/serie_1/serie1_no48.pdf

⁵ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2017/serie_1/SERIE_1_NO_20.pdf

⁶ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2009/serie_1/serie1_no25.pdf

⁷ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2009/serie_1/serie1_no40.pdf

⁸ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2016/serie_1/SERIE_1_NO_18.pdf

⁹ Bele asesu ba versaun elektrónika lei ne'e iha ne'e:
http://www.mj.gov.tl/jornal/public/docs/2016/serie_1/SERIE_1_NO_26A.pdf

parte introdusaun nian sei nafatin refere ba iha Lei Nú. 15/2008 ne'ebé revoga tiha ona ho Lei Nú. 12/2017 nian. JSMP hanoin, presiza altera hodi inklui fali lei ida ne'ebé mak iha vigór, tanba ida ne'ebé revogadu la iha ona vigór ka la iha forsa atu kesi no obriga.


Rekursu Umanu

Parlamentu Nasional hanesan mós órgaun no instituisaun pública sira seluk nesesita mós rekursu umanu atu bele fó apoiu ba servisu jestaun no administrasaun pública nian, liuliu atu koloka iha estrutura ne'ebé prevee iha Artigu 5 Lei Nú. 12/2017.


Rekursu umanu ka forsa traballu Parlamentu nian konstitui hosi funzionáriu público no funzionáriu nomeasaun política. Funzionáriu pública nia natureza nu'udar rekursu ne'ebé permanente no funzionáriu nomeasaun política nia caráter temporáriu tuir mudansa iha política no depende ba desizaun hosi partidu sira ne'ebé nomeia nia ema sira ba pozisaun sira ne'e.

Bazeia ba dadus estatística ne'ebé JSMP hetan hosi Sekretariadu Parlamentu Nasional hatudu katak Parlamentu Nasional seidauk iha rekursu ne'ebé bele koloka iha posizaun Tékniku Superiór (TS) Parlamentár Prinsipál iha parte funzionáriu público nomós funzionáriu nomeasaun política. Totál forsa traballu ne'ebé kompostu hosi funzionáriu público no funzionáriu nomeasaun política hamutuk na'in 175 iha ne'ebé funzionáriu público hamutuk ema na'in 147 no funzionáriu nomeasaun política hamutuk ema na'in 28.

Gráfiku 1




Gráfiku 2



Iha termu igualdade ka balansu iha jéneru, JSMP haree katak iha balansu ne'ebé pozitivu entre feto no mane. Iha parte funzionáriu públiku nian, feto konstitui 42% no 55.78%. Enkuantu funzionáriu nomeasaun política sira, número feto no mane hanesan. Número total balansu jéneru hosi total funzionáriu, feto konstitui 45% no mane 55%.

Gráfiku 3



Espasu Servisu

Aleinde rekursu umanu, espasu ba servisu mós importante no kontribui ba servisu no funzionamentu Parlamentu Nasional ho efetivu no eficiente. Durante tinan barak JSMP nia monitorizasaun ba Parlamentu Nasional katak fatin servisu ba deputadu sira no pesoál ka funzionária sira la apropiadu no adekuadu hodi asegura servisu ne'ebé di'ak.

JSMP hanoin importante atu Sekretáriu-Jerál Parlamentu Nasionál bele konsidera hodi inklui orsamentu atu hadi'a espasu servisu Parlamentu Nasionál tuir kompétensia ne'ebé atribui ona iha Artigu 22 parágrafo 2) alinea b) Lei Nú. 12/2017, bainhira planu atu harii edifísiu foun Parlamentu Nasionál sei han tempu naruk hodi realiza.

Pontualidade no Impaktu ba Produtividade Parlamentu Nasionál

Pontualidade nu'udar rekizitu prinsipál ida iha área servisu hothotu tantu públiku no privadu. Pontualidade ne'e ligadu ho hala'o servisu tuir tempu ka oráriu ne'ebé determina ona tuir akordu, regulamentu ka lei.

Oráriu ba servisu Parlamentu Nasionál nian relativamente reuniaun plenaria no Komisaun Espesializada Permanente sira-nian prevee iha Artigu 46 parágrafo 2) Lei Nú. 15/2009 ne'ebé altera ho Lei Nú. 1/2016 kona-ba Rejimentu Parlamentár. Iha provizaun ne'e prevee katak oras ba hahú reuniaun plenaria no Komisaun nian mak iha parte dadersan hahú hosi tuku 09:00 to'o 12:30 no iha parte lorokraik hahú tuku 15:00 to'o 18:00.

Durante JSMP nia monitorizasaun ba iha Parlamentu Nasionál iha tinan barak, JSMP kontinua deskobre katak kestaun pontualidade servisu sai nu'udar preokupasaun seriu ne'ebé JSMP kestiona bebeik liuhosi komunikadu imprensa nomós relatóriu anuál sira. JSMP nota katak problema pontualidade kontinua fó impaktu negativa boot ba produtividade Parlamentu Nasionál prosesu halo lei no desizaun política ba interesse nacionál. Bainhira membru deputadu sira la pontuál sei fó impaktu ba “kuórum” iha plenaria no komisaun atu halo reuniaun no halo deliberasaun ruma.

Tuir provizaun Artigu 47 (1) kona-ba reuniaun plenaria, ejize mínimu prezensa 1/3 hosi deputadu sira ne'ebé efetivu iha funsaun. Enkuantu iha parágrafo (2) kona-ba halo deliberasaun iha plenaria ejize prezensa mínimu liuhosi metade (1/2) hosi deputadu sira ne'ebé efetivu iha funsaun. Ida-ne'e signifika katak reuniaun plenaria foin bele hala'o bainhira iha mínimu deputadu 21 hosi deputadu 65 marka prezensa no plenaria foin bele halo deliberasaun bainhira iha mínimu deputadu 33 hosi deputadu 65 mak marka prezensa.

Enkuantu kuórum ba reuniaun no deliberasaun ba Komisaun Espesializada sira-nian tuir provizaun Artigu 47 (5) katak reuniaun komisaun bele hahú ho prezensa deputadu na'in

3 no deliberasaun bele halo ho prezensa liuhosi metade (1/2) membru sira ne'ebé efetivu iha funsaun.

JSMP observa katak pontualidade membru deputadu sira-nian dalaruma iha mudansa no funsiona di'ak ho mudansa iha prezidénsia Parlamentu Nasional nian, maibé mudansa ne'e la dura iha tempu naruk. Porzempu iha prezidénsia distintu deputadu Aderito Hugo no distintu deputadu Arão Noe. Ida-ne'e, tanba deputadu sira barak mak la halo tuir orientasaun hosi Presidente Parlamentu.

Pontualidade deputadu sira-nian sai aat liu iha períodu tempu ne'ebé marka ho impasse política iha Parlamentu Nasional.


JSMP intensivamente rekomenda iha nia relatório sira atu Parlamentu Nasional bele foti asaun hasoru deputadu sira ne'ebé la dixiplina tuir tempu ne'e, nune'e bele fó solusaun ba problema ne'e no prevene deputadu sira seluk atu halo erru ne'ebé hanesan.

Prezensa Deputadu sira iha Reuniaun Plenaria

JSMP nia observasaun ba prezensa deputadu sira-nian iha reuniaun plenaria sei bazeia de'it ba dadus prezensa deputadu sira-nian hahú hosi 13 Juñu 2018 reuniaun dahuluk Lejislatura V no tomada pose ba membru deputadu sira Lejislatura V nian. Enkuantu períodu 26 Janeiru – 12 Juñu 2018 nu'udar períodu iha Parlamentu Nasional funsiona de'it ho Komisaun Permanente tanba Presidente Republika disolve tiha ona.

Iha gráfiku tuirmai JSMP sei apresenta deputadu sira-nia prezensa iha plenária tuir kategoria tolu mak hanesan prezensa totál, falta injustifikadu no falta justifikadu. Dadus sira ne'e JSMP hetan hosi Parlamentu Nasional liuhosi Diresaun Apoiu Parlamentár, Divizaun Apoiu Plenáriu nian. Iha gráfiku ne'e la inklui dadus fulan Agostu no Setembru nian tanba la iha rejistru, inklui de'it dadus fulan Juñu to'o Jullu no Outubru to'o Dezembru 2018 nian. Mezmu nune'e, dadus fulan hirak nian ne'e natoon atu bele sukat no analiza prezensa deputadu sira-nian iha reuniaun plenaria iha 2018.

Gráfiku 4




Bazeia ba gráfiku iha leten, númeru falta injustifikasiadu deputadu sira Lejislatura V nian sei nafatin aas hanesan Lejislatura sira uluk nian, mezmuke Lejislatura IV nian falta injustifikasiadu aas liu to'o 188 iha Jullu 2017¹⁰.

Iha parte seluk, bazeia ba informasaun iha dadus prezensa ne'e katak entre fulan Agostu no Setembru 2018 rejistru prezensa deputadu sira-nian elektrónika de'it, nune'e la iha dadus estatística tuir livru prezensa.

Iha gráfiku sira tuirmai, JSMP mós bazeia dadus prezensa deputadu sira-nian iha reuniaun plenária, sei koloka porsentajen prezensa no falta sira deputadu sira-nian tuir númeru asentu parlamentár bankada idaidak nian.

Partidu *Congresso Nacional Reconstrução Timorense (CNRT)* iha Lejislatura V nian iha asentu parlamentár 21 no prezensa total iha 92%, falta injustifikasiadu konstitui 8% falta justifikasiadu 0%.


Gráfiku 5



¹⁰ Informasaun kompletu bele haree iha relatório anuál POP 2017, P.11 iha ne'e: http://jsmp.tl/wp-content/uploads/PWP_ANNUAL_REPORT_17.pdf


Partidu *Frente Revolucionário de Timor-Leste Independente* (Fretelin) iha asentu parlamentár 23 no prezensa total konstitui 90%, falta injustifikasi konstitui 10% no falta justifikasi 0%.

Gráfiku 6




Partidu Libertasaun Popular (PLP) iha asentu parlamentár 8 ho nia prezensa total hamutuk 94%, falta injustifikasi konstitui 6% no falta justifikasi 0%.

Gráfiku 7




Partidu Demokrátiku (PD) iha asentu parlamentár 5 ho prezensa total iha plenária konstitui 81%, falta injustifikasi konstitui 19% no falta justifikasi 0%.

Gráfiku 8




Partidu Klibur Haburas Unidade Nasionál Timor Oan (KHUNTO) iha asentu parlamentár 5 ho nia prezensa totál hamutuk 96%, falta injustifikasiadu konstitui 4% no falta justifikasiadu 0%.

Gráfiku 9




Partidu Frente Dezenvolvimentu Demokrátiku iha asentu parlamentár 1 ho nia prezensa totál 89 %, falta injustifikasiadu konstitui 11% no falta justifikasiadu 0%.

Gráfiku 10



Partidu Frente Mudansa (FM) ho Uniaun Demokrátiku iha asentu parlamentár 1 ho prezensa totál iha plenária konstitui 100%, falta injustifikasiadu konstitui 0% no falta justifikasiadu 0%.

Gráfiku 11




Bazeia ba dadus prezensa deputadu sira-nian iha gráfiku ne'e, porsentajen deputadu sira ne'ebé falta la ho justifikasaun aas tebes, liulu partidu sira ne'ebé asentu parlamentár aas hanesan CNRT, Fretilin no PD. JSMP konsidera katak práтика sira hanesan ne'e sai nu'udar referénsia ne'ebé la di'ak ba NASAUN no ba jerasaun sira tuirmai.

Legalmente, lei prevee ho klaru no detallu kona-ba sansaun no mekanizmu fó sansaun ba membru deputadu sira ne'ebé falta la ho justifikasaun iha reuniaun plenaria no komisaun sira-nian. Iha provizaun Artigu 7 (1) letra (a) Lei Nú. 15/2009 ne'ebé altera ho Lei Nú. 1/2016 kona-ba lakon mandatu prevee katak deputadu ida sei lakon nia mantadu bainhira la foti nia asentu parlamentár la ho justifikasaun durante sesaun plenaria dala lima tutuir malu ka falta iha sesaun plenaria ka komisaun sira-nian dala lima tutuir malu ka falta interkalada (la tutuir malu) dala sanulu-resin lima la ho motivu ne'ebé justifikadu.

Iha Lejislatura V nian tuir dadus ne'ebé JSMP iha durante período ne'ebé deskreve iha gráfiku 4 kona-ba prezensa deputadu sira-nian, número falta injustifikasi tutuir malu ka konsekutiva deputadu sira-nian iha ida (1) de'it kompara ho Lejislatura IV nian ne'ebé número deputadu sira ne'ebé falta injustifikasi tutuir malu nomós número falta ne'e rasik mós aas tebes hanesan iha gráfiku 11 tuir mai.

Gráfiku 12



Tuir dadus ne'ebé JSMP hetan, iha Lejislatura IV nian iha deputadu balun ne'ebé falta tutuir malu to'o 20 resin no se sura ho falta interkalada, iha deputadu barak mak falta entre 15 ba leten. Mezmuke iha deputadu barak mak viola rejimentu Parlamentu Nasional, la iha sansaun rumá ne'ebé Parlamentu Nasional aplika hasoru deputadu sira ne'e, mínimu ho asaun dixiplinár de'it.

Bazeia ba JSMP nia observasaun, deputadu sira ne'e viola ona provizaun Artigu 7 (1) letra (a) Lei Nú. 15/2009 ne'ebé revoga ho Lei Nú. 1/2006 kona-ba lakon mandatu, tuir looops deputadu sira ne'e automatikamente lakon ona sira-nia mandatu nu'udar deputadu, infelismente ida-ne'e la akontese iha tempu ne'ebá. Prátika sira hanesan ne'e la'os deit promove presedénsia no referénsia ne'ebé la di'ak ba futuru, maibé liután ida-ne'e deputadu sira sei lakon sira-nia autoridade morál no lejitimidade politika atu fiskaliza no superviziona instituisaun publiku sira seluk tanba deputadu sira rasik la kumpri sira nia never tur lei haruka.

Iha JSMP nia relatório anuál sira sempre subliña no rekomenda ba Parlamentu Nasional atu mínimu bele foti asaun dixiplinár hasoru membru deputadu sira ne'ebé la halo tuir sira-nia devér sira tuir lei. Bainhira PN aplika sasaun ba deputadu sira ne'ebé lakumpri sira nia never sei asegura funzionamento Parlamentu Nasional ezerse nia podér konstitusionál sira ho di'ak no efetivu liu no sei evita presedénsia ne'ebé la di'ak iha futuru.

Reuniaun Plenaria

Plenaria nu'udar fórum ida ne'ebé Parlamentu Nasional ezerse nia podér konstitusionál sira, liiliu iha halo lei no foti desizaun política. Artigu 13 Lei Nú. 12/2017, Plenaria Parlamentu Nasional atribui mós kompeténsia sira seluk ba plenaria atu aprova orsamentu anuál no retifikativu Parlamentu Nasional nian, relatório no konta ezekusaun orsamentu Parlamentu nian, planu estratéjiku plurianuál Parlamentu nian, relatório anuál Konsellu Administrasaun nian no relatório auditoria interna kona-ba konta Parlamentu Nasional nian.

JSMP halo monitorizasaun regulár ba reuniaun plenaria Parlamentu Nasional hodi haree diretamente funzionamento Parlamentu Nasional tuir Konstituisaun no lei. Tuir dadus ne'ebé JSMP hetan hosi Sekretariadu Parlamentu Nasional, totál reuniaun plenária Parlamentu Nasional tuir ajenda hamutuk 63.¹¹ Entre totál ajenda ne'e, iha 2018 totál reuniaun plenária Parlamentu Nasional ne'ebé JSMP monitoriza hamutuk 42.

Atividade sira ne'ebé mak Parlamentu Nasional halo iha reuniaun plenária iha inisíu Lejislatura Dalimak nian mak hanesan diskusaun no aprovasaun ba orsamentu retifikativa, diskusaun no apresisaun ba Program Guvernu VIII nian, diskuti no aprova

¹¹ Bele haree iha website Parlamentu: <https://www.parlamento.tl/node/405>

Orsamentu Jerál Estadu 2018, diskuti no aprova Orsamentu Jerál Estadu 2019 inklui aprovasaun ba rezolusaun sira no atividade sira seluk tan.

Iha parte seluk, JSMP nota katak Komisaun Permanente ne'ebé estabelese durante períodu fulan 6 depoisde Prezidente Repúblika dissolve Parlamentu Nasional iha 26 Janeiru 2018 la funsiona tanba membru sira komisaun ne'e la ativu.

Reuniaun Komisaun A

Komisaun A nu'udar Komisaun Espesializada Permanente ne'ebé trata asuntu konstitusionalidade no justisa. Kompeténsia sira Komisaun Espesializada Permanente sira-nian prevee iha Artigu 35 Lei Nú. 15/2009 ne'ebé altera ho Lei Nú. 1/2016. Kompeténsia sira ne'e mak hanesan diskute no fó paraser kona-ba projeto no proposta lei sira, proposta alterasaun no tratadu sira ne'ebé hatama ba Parlamentu, halo apresiasaun ba petisaun sira ne'ebé dirije ba Parlamentu, inteira ho problema política no administrativu sira ne'ebé tama iha nia area no fornese ba Parlamentu bainhira konveniente elementu nesesáriu sira ba apresiasaun aktu sira Governu nian, halo audénsia pública ho sosiedade sivil no konvoka titular sira Administrasaun Pública hodi hato'o informasaun kona-ba asuntu sira ne'ebé pertense ba sira-nia responsabilidade.

Aleinde halo monitorizasaun regulár ba reuniaun plenaria, JSMP mós halo monitorizaun regular ba reuniaun Komisaun A nian. Iha 2018, ajenda reuniaun Komisaun A hamutuk 35¹² inklui atividade fiskalizasaun Komisaun A nian dala 3. JSMP konsege halo monitorizasaun ba reuniaun Komisaun A no fiskalizasaun sira hamutuk 14.

Produtividade

Produtividade Parlamentu Nasional nian iha termu halo lei iha Lejislatura V hatudu rezultadu ne'ebé di'ak kompara ho Lejislatura IV iha 2017 nian. Iha 2018, Parlamentu Nasional konsege prodús lei 4¹³ no rezolusaun 19 mezmuke situasaun impase política fó impaktu makaas ba funzionamentu Parlamentu Nasional nian no durante períodu fulan 6 nia laran Parlamentu Nasional iha situasaun disolvidu¹⁴.

¹² Bele haree iha website parlamento: <https://www.parlamento.tl/node/412>

¹³ Bele asesu iha Jornal Repúblika iha ne'e: <http://www.mj.gov.tl/jornal/?q=node/12>


¹⁴ JSMP hetan dadus sira ne'e hosi Sekretariadu téknika Parlamentu Nasional

Lei no rezolusaun sira ne'ebé Parlamentu Nasional prodús ne'e, pública ona iha Jornál Repúblika¹⁵ lei 2 no rezolusaun 15. Entertantu sira seluk ne'ebé seidauk pública sei iha faze promulgasaun ka veta hosi Prezidente Repúblika tuir nia kompeténsia própriu hanesan xefe Estadu RDTL no rezolusaun 4 kona-ba kanselamento deslokasaun Prezidente Repúblika ba li'ur la hetan autorizasaun ba publikasaun iha Jornál Repúblika.

Enkuantu nível partisipasaun deputadu sira lejislatura ida ne'e iha prosesu lejislaturu di'ak liu kompara ho lejislatura sira uluk. Média porsentajen nível partisipasaun deputadu sira-nian iha diskute no aprova ezbosu lei 4 ne'e mak 90%. Iha Lei Orsamentu Jeral Estadu (OJE) 2 sira-nia nível partisipasaun 100%, iha Lei Autorizasaun Extraordinária ba Realizasaun Transferénsia Fundu Petroliferu sira-nia nível partisipasaun 96% no iha alterasaun ba Lei Nú. 13/2005 sira-nia nível partisipasaun 65%.

JSMP observa katak iha ajenda prinsipál hirak ne'e deputadu sira tantu hosi AMP no opozisaun partisipa ho másimu tebes iha diskusaun no fó sira-nia votu ba lei hirak ne'e.

Gráfiku 13 Partisipasaun deputadu sira-nian iha prosesu lejislaturu




Hanesan diskuti ona iha leten, kompeténsia konstitusionál deputadu sira-nian aleinde halo lei, halo mós desizaun política. Desizaun política ne'ebé Parlamentu Nasional halo mak liu hosi rezolusaun parlamentár. Nível partisipasaun deputadu sira-nian iha halo desizaun política ne'e tun uitoan ho 83% kompara ho partisipasaun deputadu sira-nian

¹⁵Bele asesu ba Jornál Repúblika iha ne'e: <http://www.mj.gov.tl/jornal/?q=node/19>

iha halo lei ne'ebé konstitui 90%. Mezmu nune'e, bainhira kompara lejizlatura anteriór, porsentajen partisipasaun deputadu sira-nian iha Lejizlatura V nian sa'e maka'as liu.

Gráfiku 15 Partisipasaun deputadu sira-nian iha foti desizaun política



Tuir JSMP nia observasaun deputadu sira balun ladún tau importânsia ba diskusaun no aprovasaun ba rezolusaun sira, maske ida-ne'e mós sai nu'udar kompeténsia konstitusionál Parlamentu Nasional. JSMP hanoin, Parlamentu Nasional presiza tau importânsia ne'ebé ekuilíbriu entre kompeténsia konstitusionál kona-ba halo lei, fiskalizasaun no foti desizaun política hanesan prevee iha Artigu 92 K-RDTL.

Komisaun Espesializada Permanente sira

Parlamentu Nasional iha ezerse nia podér konstitusionál sira ho efetivu no eficiente, nesesariamente presiza harii Komisaun Espesializada Permanente (KEP) sira hodi trata asuntu espesífiku sira. Prosesu ne'e prevee iha Artigu 26 (1) to'o 4), kompozisaun membru Komisaun sira-nian prevee iha Artigu 27 no kompeténsia sira prevee iha Artigu 35 Lei Nú. 15/2009 ne'ebé altera ho Lei Nú. 1/2016.

Fatin ba KEP sira ne'e ba bankada parlamentár sira, nune'e membru sira mai hosi deputadu sira ne'ebé bankada hatudu no nia kompozisaun tuir medida reprezentasaun proporsionál hosi bankada parlamentár sira. Bankada parlamentár ida la bele hatudu nia deputadu ida ba KEP liuhosi na'in-ida, ezetu bankada ne'ebé nia membru la to'o, maibé

la bele reprenzenta liuhosi KEP rua hanesan prevee iha Artigu 27 (5) Lei Nú. 15/2009 ne'ebé altera ho Lei Nú. 1/2016. Mandatu komisaun sira ne'e sei la liu hosi períodu lejizlatura ida nian. Ne'e signifika katak bainhira iha lejizlatura foun Parlamentu Nasional presiza harii fali KEP foun tuir nesesidade.

Iha Lejizlatura V nian Parlamentu Nasional establese KEP 7 ho nia área tematiku tuir ida-idak nia asuntu. Komisaun Espesializada hirak-ne'e mak hanesan Komisaun A, ne'ebé trata kona-ba Asuntu Konstitusionál no Justisa ho nia membru na'in 11, Komisaun B, trata kona-ba Asuntu Negósiu Estranjeiru, Defeza no Seguransa ho nia membru na'in 9, Komisaun C, trata kona-ba ba asuntu Finansa Pública ho nia membru na'in 11, Komisaun D, trata kona-ba Asuntu Ekonomia no Dezenvolvimentu ho nia membru na'in 10, Komisaun E, trata kona-ba Asuntu Infra-Estruktura ho nia membru na'in 9, Komisaun F, trata kona-ba Asuntu Edukasaun, Saúde no Asuntu Sosiál ho nia membru na'in 9 no Komisaun G, trata kona-ba Asuntu Edukasaun, Sidadania, Juventude, Igualidade no Kultura ho nia membru na'in 7.

Tuir rezultadu observasaun JSMP nian nomós dadus hosi Sekretariadu Tékniku Parlamentu Nasional nian, iha 2018, KEP ne'ebé iha responsabilidade no pezu servisu todan liu mak Komisaun C ne'ebé ho nia kompeténsia hodi halo akompañamentu ba política Orsamentu no Finanseira pública nian inklui Órsamentu Jerál Estadu kada tinan, Ezekusaun Orsamentál Konta Jerál Estadu nian no halo apresiasaun ba relatório Kámara Kontas Tribunál Superiór Administrativu, Fiskál no Kontas, Reseita Minarai no Gás, Revenue non-Minarai inklui mós halo akompañamentu ba aktu pública.

Tuir fali mak Komisaun A ne'ebé trata kona-ba asuntu Konstitusionál no Justisa ne'ebé nia servisu prinsipál sira mak hanesan halo audíensia pública ho entidade estadu kona-ba proposta OJE ba tinan 2018 no 2019, apresia karta notifikasun sira hosi tribunál kona-ba levantamento imunidade ba deputadu sira-nian, apresia petisaun hosi entidade relavante sira, simu keixa hosi komunidade sira no seluk tan hodi enkamiña ba ministériu ka órgaun relevante sira atu toma medida.

JSMP apresia tebes Komisaun C nia servisu maske ho rekursu no tempu ne'ebé limitadu iha tinan sorin de'it (entre Juñu to'o Dezembru 2018) komisaun ne'e konsege prodús pareser 3 hodi prodús lei importante tolu iha períodu ida-ne'e. Komisaun ne'e nia membru hamutuk na'in 13 ne'ebé reprenzenta hosi bankada parlamentár sira no ho hetan apoio hosi pesoál tékniku nasional 2 no asesór internasional na'in 1.

Hanesan tinan sira liuba, JSMP observa regularmente atividade Komisaun A Parlamentu Nasionál durante periodu entre Juñu to'o Dezembru 2018. Rezultadu observasaun nota katak Komisaun A la produtivu, maske iha ajenda barak. Deputadu sira dala barak la marka prezensa hodi diskuti asuntu sira ne'ebé komisaun ajenda tiha ona. Tanba ne'e fó impaktu ba atividade komisaun nian hodi la la'o tuir planu no ajenda sira traxa tiha ona, nune'e ajenda sira ne'e kontinua adia no re-ajenda fila-fali.

Iha períodu ida ne'ebá mós, JSMP nota katak ajenda importantre sira kona-ba diskusaun ba esbosu lei sira ne'ebé meza baixa ba komisaun sai pendente hela, liu-liu ajenda diskusaun no apresiaun ba esbosu Lei Anti-Korrupsaun. JSMP mós nota katak apresisaun ba relatóriou atividade fiskalizasaun Komisaun A nian iha Oe-Cussi ne'ebé pendente to'o agora seidauk diskuti no halo apresiasaun hodi apresenta ba plenária Parlamentu Nasionál, maske relatóriou ne'e nia durasaun tempu liu tiha ona.

Iha parte seluk, dadús ekipa tékniku parlamentár nian hatudu katak atividade komisaun permanente sira seluk mós iha períodu entre Juñu to'o Dezembru 2018 menus tebes. Ida-ne'e liu-liu iha servisu lejislasaun nian, la iha esbosu lei rumo ne'ebé Meja Parlamentu Nasionál baixa ba komisaun espesializada hirak ne'e no komisaun sira só halo de'it servisu fiskalizasaun iha baze.

Durante tinan barak JSMP observa katak komisaun sira-nia atividade lejizlativu la dun la'o di'ak tanba Parlamentu Nasionál la iha programa lejizlativu ba tinan 5 nian. PN la iha programa lejizlativu ida-ne'ebé fiksu hodi orienta sira-nia servisu, liuliu ba asuntu sira ne'ebé tama iha kompeténsia eskluzivu Parlamentu Nasionál nian. Situasaun ne'e rezulta dala barak liu PN depende de'it ba proposta lei no inisitiava sira hosi Governu.

Komisaun Eventuál

Parlamentu Nasionál iha ezersísiu ninia kompetensia sira, aleinde hetan apoiu hosi KEP sira, iha mós apoiu hosi Komisaun Eventuál sira hanesan prevee iha Artigu 26 (1) Lei Nú. 15/2009 ne'ebé altera ho Lei Nú. 1/2016. Komisaun Eventuál ne'e ho nia karáter temporáriu no nia termina bainhira nia tarefa hotu ka bainhira nia prazu hotu no ka bainhira sesaun lejizlativa hotu hanesan prevee iha Artigu 26 (5) letra (a) to'o (c) Lei Nú. 15/2009 ne'ebé altera ho Lei Nú. 1/2016. Bainhira sesaun lejizlativa hotu ka bainhira prazu tempu hotu, Komisaun seidauk halo hotu nia servisu ka tarefa,

Parlamentu Nasional bele deside atu hanaruk tan tempu atu komisaun bele konklui nia servisu hanesan prevee iha Artigu 26 (5) letra c no (6) lei hanesan.

Komisaun Eventual ne'e estabelese objetivu determinadu hanesan defini iha Artigu 36 (1) ho nia kompozisaun minimu deputadu 10 ka hosi bankada parlamentar hanesan prevee iha (2) Lei Nú. 15/2009 ne'ebé altera ho Lei Nú. 1/2016. Komisaun Eventual hanesan mós ho KEP sira, lei atribui mós kompeténsia hodi hala'o nia tarefa no nia kompetensia mak halo apresiasaun ba asuntu ne'ebé sai nu'udar objetivu ba nia kriasaun hodi apresenta relatório no paraser ba iha plenaria tuir tempu ne'ebé determina ona hosi Parlamentu Nasional tuir Artigu 37 Lei Nú. 15/2009 ne'ebé altera ho Lei Nú. 1/2016.

Iha periodu relatório ida-ne'e, bazeia ba pedidu hosi partidu opozisaun Fretilin, Parlamentu Nasional establese Komisaun Eventual Inkérito Parlamentar ida hodi hala'o akompaniamentu ba prosesu pagamentu dívida sira Estadu nian ba projeto hamutuk 142. Komisaun ne'e kompostu hosi deputadu na'in 10 hosi reprezentante bankada parlamentar sira hotu ne'ebé hetan asentu iha Parlamentu Nasional.

Komisaun ne'e konsegue hala'o nia tarefa sira, maibé relatório komisaun ne'e la konsegue diskute iha Parlamentu Nasional hodi hetan apresiasaun no aprovasaun. Tuir informasaun ne'ebé hetan hosi plenaria katak bainhira deputadu bankada opozisaun foti kestaun ne'e, deputadu sira hosi koligasaun AMP mak lakohi atu diskute hodi aprova relatório ne'e.

Komisaun Eventual ne'e harii formalmente no legalmente hosi Parlamentu Nasional iha ne'ebé nia membru sira kompostu hosi bankada parlamentar sira hotu. Significa katak bankada sira hosi koligasaun AMP mós inklui ona iha komisaun, nune'e la iha tan ona razaun ba koligasaun AMP atu rejeita relatório ne'e. Se ida-ne'e akontese, hatudu katak Parlamentu Nasional rasik la valoriza no deskredita servisu komisaun ne'ebé nia rasik harii. Ida-ne'e mós lahatudu onestidade política hosi deputadu AMP sira, bainhira relatório ne'e prejudika sira nia-interese.

Komisaun Permanente

Entre Komisaun Espesializada Permanente no Komisaun Eventual, tuir lei Parlamentu Nasional mós iha Komisaun Permanente. Komisaun Permanente ne'e nia funzionamentu, kompozisaun no kompeténsia sira regula iha Kapítulu IV Artigu 102 Konstituisaun RDTL no Kapítulu III Artigu 38, 39 no 40 Lei Nú. 15/2009 ne'ebé altera

ho Lei Nú. 1/2016.

Komisaun Permanente ne'e normalmente funsiona iha períodu rua, iha períodu ida ne'ebé Parlamentu Nasional disolvidu hela no iha períodu sira intervalu sesaun lejizlativa nian hanesan prevee iha Artigu 102 (1) K-RDTL no Artigu 38 Lei Nú. 15/2009 ne'ebé altera ho Lei Nú. 1/2016.

Kompozisaun komisaun ne'e sei la hanesan ho KEP no Komisaun Eventuál. Komisaun Permanente ne'e kompostu hosi Prezidente Parlamentu Nasional, Viseprezidente sira Parlamentu Nasional no deputadu sira ne'ebé hatudu hosi partidu político sira ne'ebé iha asentu parlamentár hanesan prevee iha Artigu 102 (2) K-RDTL no Artigu 39 Lei Nú. 15/2009 ne'ebé altera ho Lei Nú. 1/2016.

Konstituisaun no lei atribui kompeténsia ne'ebé boot ba komisaun ne'e hodi hala'o nia servisu sira. Komisaun nia kompeténsia sira mak akompaña atividade sira Governu nian, koordena atividade sira komisaun sira Parlamentu Nasional nian, promove konvokasaun Parlamentu Nasional bainhira nesesáriu, prepara no organiza sesaun sira Parlamentu Nasional nian, aprova deslokasaun Prezidente Repùblika nian, dirije relasaun Parlamentu Nasional nian no parlamentu sira no instituisaun análoga sira hosi nasaun seluk. Komisaun ne'e mós iha kompeténsia atu autoriza deklarasaun estadu sítiu no estadu emerjénsia, autoriza deklarasaun funu no páz, ezerse podér sira Parlamentu Nasional nian relativamente ba mandatu deputadu sira-nian, prepara abertura ba sesaun plenaria, koordena funcionamentu komisaun sira durante periodu sira suspensaun ba sesaun lejizlativa no bainhira nesesita haree servisu sira komisaun sira-nian. Aleinde komisaun ne'e mós iha kompeténsia hodi deside reklamasaun sira kona-ba redasaun ba testu finál dekretu no rezolusaun sira Parlamentu nian ne'ebé la loos.

Iha períodu 2018, depoisde disolusaun Parlamentu Nasional iha 26 Janeiru 2018 hosi Prezidente Repùblika, Parlamentu Nasional funsiona de'it ho Komisaun Permanente. Tuir JSMP nia observasaun diária ba Parlamentu Nasional durante periodu fulan 5 nia laran entre 26 Janeiru to'o 13 Juñu 2018 ka to'o tomada pose ba membru deputadu foun, Komisaun Permanente ne'e la funsiona no la hala'o nia knaar no kompeténsia sira ne'ebé Konstituisaun no lei atribui ba nia.

Ratifikasiun adezaun ba Tratadu no Konvensaun Internasional

Orden jurídika Timor-Leste nian adota prinsípiu sira direitu internasional jerál ka komún no norma sira iha direitu internasional sira. Ne'e inklui tratadu, konvensaun no akordu internasional sira tama iha vigór iha orden jurídika interna bainhira hetan aprovasaun, ratifikasiun ka adezaun hosi órgaun kompetente no iha kazu ida-ne'e, Parlamentu Nasional no publika iha Jornal Repúblika hanesan prevee iha Artigu 9 (1) no (2) K-RDTL.

Kompeténsia Parlamentu Nasional nian hodi aprova ka rejeita no ratifika tratadu no konvensaun internasional sira prevee iha Artigu 95 (3) letra (f) K-RDTL no Artigu 131 (1) Lei Nú. 15/2009 ne'ebé altera ho Lei Nú. 1/2016. Ratifikasiun ne'e tenke liuhosi Rezolusaun Parlamentár hanesan prevee iha Artigu 133 (2) ho votasaun globál iha Plenária tuir Artigu 132 Lei Nú. 15/2009 ne'ebé altera ho Lei Nú. 1/2016. Depoisde aprovasaun, haruka ba Prezidente Repúblika hodi promulga tuir provizaun sira iha Artigu 85 (a) K-RDTL no Artigu 133 (1) Lei Nú. 15/2009 ne'ebé altera ho Lei Nú. 1/2016 no públika iha Jornal Repúblika¹⁶.

Tuir observasaun JSMP nian no dadus Parlamentu nian, iha 2018 Parlamentu Nasional la ratifika adezaun Timor-Leste ba Tratadu no Konvensaun Internasional ruma. Tuir dadus ne'ebé hetan hosi Jornal Repúblika bazeia ba rezolusaun Parlamentu Nasional nian, hahú hosi 2002 to'o 2017 Timor-Leste ratifika adezaun ba Karta, Tratadu, Konstituisaun no Estatutu hamutuk 15 no Konvensaun Internasional hamutuk 42 la ho rezerva. Tuir JSMP nia hanoin, mezmuke iha 2018 Parlamentu Nasional la ratifika adezaun ba instrumentu legál internasional ruma, iha periodu sira tuir mai, di'ak liu Parlamentu Nasional tetu ho di'ak kapasidade Estadu nian iha termu rekursu umanu no finanseiru hodi implementa no halo tuir instrumentu legál internasional sira molok ratifika.

¹⁶Bele asesu ba Jornal Repúblika iha ne'e: <http://www.mj.gov.tl/jornal/>

Observasaun Krítika ba Dezenvolvimentu Situasaun Polítika

Iha kapítulu ida-ne'e, JSMP sei fornese hanoin no observasaun kona-ba dezenvolvimentu política iha periodu 2018 nian ne'ebé nu'udar kontinuasaun hosi situasaun política 2017 nian ne'ebé sai populár ho termu "impase política". Impase política hamosu presedénsia oioin iha 2017 no 2018. Presedénsia sira ne'ebé mosu iha 2018 nian mak hanesan disolusaun ba Parlamentu Nasionál, Eleisaun Antesipada, Rejeisaun ba Lista Memburu Governu no rejeisaun ba deslokasaun ka viajen Prezidente Repúblika nian ba rai li'ur. Situasaun sira ne'e fó impaktu ba interesse nacionál ka Estadu nian no husik hela presedénsia ne'ebé la di'ak atu banati tuir iha futuru.

Impase política

Depoisde restaurasaun nia independénsia iha 20 Maiu 2002, Timor-Leste hasoru situasaun política ida-ne'ebé bele konsidera extra-ordinária ne'ebé marka iha istória política Timor-Leste nian hosi otas ba otas. Situasaun "impase política" ne'ebé dura kuaze tinan rua nia laran no fó impaktu maka'as ba funzionamento Estadu iha setór hothotu. Mezmu nune'e, situasaun ne'e mós sai hanesan sasukat ida hodi sukut nível maturidade no matenek povu no líder política sira hodi trata situasaun política ne'ebé frajil no sensivel ne'e ho di'ak no la lori risku ka prejuizu boot tan ba Estadu-nasaun.

Impase política ne'e hahú kendas depoisde eleisaun jerál parlamentár iha Jullu 2017 to'o rezulta disolusaun Parlamentu Nasionál iha 26 Janeiru 2018 no eleisaun antesipada iha 12 Maiu 2018. Situasaun política ne'e afeta gravemente funzionamento estadu nomós setór sosio-ekonómiku iha jerál. Situasaun "impase política" ne'e tanba de'it la iha entendimentu política ne'ebé akontese entre partidu ka partidu sira ne'ebé kaer Governu no partidu opozisaun sira.

Disolusaun Parlamentu Nasionál

Rejeisaun ba programa governu nomós orsamentu retifikativu, mosaun sensura no pedidu destituisaun ba Prezidente Parlamentu Nasionál kontribui ba krize institusionál ne'ebé grave durante tinan 2017 nia rohan. Situasaun ne'e impede Parlamentu Nasionál la bele diskute no aprova Orsamentu Jerál Estadu 2018 nian. Tanba ne'e depoisde konsulta ho instituisaun relevante sira estadu nian, Prezidente Repúblika ezerse nia kompeténsia konstitusionál tuir Artigu 86 (f) K-RDTL hodi dissolve Parlamentu Nasionál

no deklara eleisaun antesipada iha 26 Janeiru 2018 ho Dekretu Prezidente Nú. 5/2018¹⁷. Disolusaun Parlamentu Nasional nu'udar ‘rekursu ultimo’ ne’ebé Prezidente Repúblika tenke foti hodi hakotu impase política ne’e.

Artigu 86 (f) K-RDTL defini kellas ona rekizitu ka razaun fundamento ba disolusaun ba Parlamentu Nasional. Rekizitu fundamental mak tenke iha krize institusionál grave ne’ebé kauza buat rua; la permite formasaun governu ka la permite aprovasaun ba Orsamentu Jerál Estadu (OJE) iha períodu ida ne’ebé liu ona loron neen-nulu (60).

Impase politika ne’ebé akontese rezulta Parlamentu Nasional la bele aprova orsamentu retifikativu ne’ebé bele asegura VII governu funsiona no selu dívida sira ne’ebé governu anteriór husik hela. VII Governu mós la bele jere administrasaun Estadu nian ho diak tanba la iha orsamentu Estadu no Governu só bele apresenta orsamentu Estadu bainhira programa aprova. VII Governu mós la apresenta tan programa ba Parlamentu Nasional bainhira Parlamentu Nasional la aprova apresentassaun programa iha faze dahuluk nian.

Refleta ba situasaun política ne’e, JSMP rekomenda¹⁸ ba Prezidente Repúblika atu la nesesariamente konvida partidu político ne’ebé hetan votu barak liu iha fatin segundu hodi forma governu hanesan akontese iha 2007 nian. JSMP mós hanoin katak la presiza hein to’o fulan neen (6) liu mak dissolve Parlamentu hanesan prevee ona iha Artigu 100 Konstituisaun RDTL, tanba situasaun ne’e tama ona kategoria krize institusionál ne’ebé grave. Ida-ne’e tanba Parlamentu la aprova programa governu, nune’e Governu la bele apresenta Orsamentu Jerál Estadu 2018 ba Parlamentu Nasional no Parlamentu Nasional mós seidauk bele diskute no aprova Orsamentu Estadu iha períodu ne’ebé aas liu ona loron neen-nulu (60) ka fulan rua. Atrazu ida-ne’e fó impaktu maka’as ba funzionamento Estadu no nia prosesu la tuir ona Konstituisaun.

Tanba ne’e, JSMP rekomenda ba Prezidente Repúblika atu bele uza nia kompeténsia konstitusionál ho prudénsia hodi foti desizaun ida ne’ebé justu no viável tuir Konstituisaun liuhosi dissolve tiha Parlamentu Nasional no esplora opsaun sira ne’ebé possível atu hakotu empase política iha Parlamentu Nasional. Desizaun ne’e sei evita Timor-Leste tama ba iha sirkúlu visiozu (*lingkaran setan*) ida-ne’ebé nunka bele kotu no

¹⁷ Dekretu ne’e seidauk iha publikasaun versaun elektrónica iha pájina Jornal Repúblika. JSMP foti informasaun kona-ba dekretu ne’e hosi jornal elektrónica “Diário de Notícia”: <https://www.dn.pt/lusa/interior/presidente-timorente-assina-decreto-de-dissolucao-do-parlamento-nacional-9076065.html>

¹⁸ Komunikadu imprensa kona-ba situasaun impase política no solusaun posivel tuir Konstituisaun: http://jsmp.tl/wp-content/uploads/PrPWPKompetensia-PrezidenteBaEmpasePolitiku_TETUM.pdf

imprevizível¹⁹ Mesmu iha prova katak Prezidente Repúblika halo desizaun ne'e bazeia ba JSMP ninia paraser hodi ikusmai Prezidente dissolve duni Parlamentu Nasional no deklara eleisaun antesipada.

Mesmu nunue'e situasaun ne'e lahotu iha ne'e. Polémika no interpretasaun oioin kona-ba desizaun Prezidente Repúblika nian hodi dissolve Parlamentu Nasional kontinua hamosu pro-kontra. Polémika sira ne'e mak hanesan natureza governu no Parlamentu Nasional depoisde disolusaun nomós espekulasaun kona-ba destituisaun ba Prezidente Repúblika.

Relaciona ho polémika no espekulasaun sira ne'e, iha Fevereiro 2018, JSMP apresenta paraser²⁰ ida hodi klarifika interpretasaun público nian ne'ebé la kontribui ba dezenvolvimento político ida-ne'ebé kondusivu no estavel maibé pelu-kontráriu hamosu de'it konfuzau público nian no risku boot ba estabilidade nasional.

JSMP fiar katak, kestaun ida-ne'ebé kontribui ba hamosu polémika no interpretasaun oioin ba K-RDTL ne'e tanba Timor-Leste seidauk introdús matadalan ba interpretasaun ida-ne'ebé uniforma no patronizadu. Mesmu iha ona Konstituisaun anotada, maibé Konstituisaun anotada mós la fornese interpretasaun ne'ebé klaru no detallu ne'ebé bele serve hanesan matadalan ida. JSMP hanoin, presiza dezenvolve matadalan ofisiál ida ba interpretasaun K-RDTL, nune'e bele iha interpretasaun ida-ne'ebé uniforme no padraun atu orienta ema hotu bele banati tuir bainhira trata asuntu sira konstitusionalidade nian.

Eleisaun Antesipada

Hahú hosi restorasaun ukun rasik-an iha 20 Maiu 2002, primeiravés akontese eleisaun antesipada iha história demokrácia Timor-Leste nian. Termu eleisaun antesipada ne'e rasik sei hamosu konfuzau público nian katak eleisaun antesipa ne'e la hanesan ho eleisaun jerál baibain no nune'e seidauk iha lei próprio ida ba eleisaun ida ne'e. JSMP nafatin liuhosi nia publikasaun sira tenta atu fó esplikasaun katak eleisaun antesipada ne'e nu'udar eleisaun jerál ba Parlamentu nian ne'ebé akontese la tuir período normal ka akontese antes mandatu lejislatura ida nian ba tinan lima. Nune'e, lei ne'ebé regula kona-ba eleisaun ne'e mak Lei Eleisaun Jerál ba Parlamentu Nasional nian, la presiza kria fali lei foun ida. Aleinde ne'e, JSMP mós hamutuk ho Forum-Asia no Asosiasaun

¹⁹ Bele haree informasaun detallu kona-ba hanoin no rekomendasau JSMP nian iha komunikadu imprensa kona-ba situasaun impase política no solusaun posivel tuir Konstituisaun: http://jsmp.tl/wp-content/uploads/PrWPKompetensia-PrezidenteBaEmpasePolitiku_TETUM.pdf

²⁰ Paraser ho título “disolusaun Parlamentu Nasional no efetu ba lejitimidade política governu atuál”: <http://jsmp.tl/wp-content/uploads/2018/02/Disolusaun-Parlamentu-Nasional-versaun-ikus.pdf>

HAK hasai komunikadu imprensa ida atu rekomenda ba partidu polítika sira ne'ebé konkorre ba eleisaun atu asegura eleisaun ida ne'ebé livre no justu²¹.

Enkuantu data ba eleisaun jerál sira kompete ba Prezidente Repúblika tuir provizaun Artigu 86 alinea c) K-RDTL. Nune'e Prezidente Repúblika, Dr. Fancisco Guterres Lu'Olo bazeia ba Dekretu Prezidente Nú. 7/2018 datada 7 Fevereiru 2018 marka data eleisaun ba membru sira Parlamentu Nasional nian ba iha 12 Maiu 2018.

Embora situasaun política hosi 2017 to'o 2018, atravesa tensaun política ne'ebé todan no kompleksu oioin entre deputadu AMP no deputadu koligasaun PD no Fretilin, partikularmente antes no depoisde eleisaun antesipada, povu Timor no política sira prova duni sira-nia maturidade politika atu ultrapasa dezafiu hirak ne'e. Ida-ne'e mós lases hosi kapasidade líder política sira hodi jere diferénsia no tensaun política atu bele evita repetisaun krize sira iha 2006 no 2007 nian.

Mezmuke kompete ba Prezidente Repúblika mak marka data ba eleisaun jerál sira, maibé rezultadu hosi eleisaun sira ne'e sei kompete ba Supremu Tribunál Justisa (STJ) ka Tribunál Rekursu mak fó-sai hanesan prevee iha Artigu 26 parágrafo 2) alinea c) K-RDTL. Rezultadu eleisaun jerál antesipada 2018 nian Tribunál Rekursu fó-sai iha 28 Maiu 2018.

Rezultadu eleisaun ne'e lori vitória ba koligasaun partidaria Aliansa Mudansa ba Progresu (AMP) ne'ebé kompostu hosi Partidu Konsellu Nasional Rekonstrusaun Timorense (CNRT), Partidu Libertasaun Popular (PLP) no Partidu Klibur Hadomi Unidade Nasional Timor Oan (KHUNTO). Koligasaun partidaria AMP manan ho maioria absoluta ho porsentajen votu 49,6% ne'ebé konstitui asentu parlamentár 34. Partidu Frente Revolucionária de Timor-Leste Independente (Fretilin) sai nu'udar partidu daruak ne'ebé hetan votu barak liu ho porsentajen votu 34,2% ne'ebé konstitui 23 asentu parlamentár. Partidu Demokrátika ho porsentajen votu 8,1% ne'ebé konstitui asentu parlamentár 5 no koligasaun partidaria Frente Dezenvolvimentu Demokrátika (FDD) ho porsentajen 5,5% ne'ebé konstitui asentu parlamentár 3²². Entre partidu no koligasaun partidu sira ne'ebé konkorre ba eleisaun jerál antesipada ne'e, partidu no koligasaun partidaria 4 mak liu barreira 4% no 4 mak la liu.

²¹ Informasaun kompletu kona-ba komunikadu imprensa ida ne'e bele haree iha ne'e: http://jsmp.tl/wp-content/uploads/2018/05/PressStatementimor-Leste-Clean_TETUM.pdf

²² Dadus sira ne'e hetan hosi pájina ofisiál Komisaun Nasional Eleisaun (CNE) nian: <http://www.cne.tl/apuramento.2018/public.php>

JSMP kongratula vitoria AMP nian liuhosi nia komunikadu imprensa datada 28 Maiu 2018 no konsidera vitoria AMP nian hanesan vitoria povu Timor nian. JSMP husu ba partidu sira hotu, partikularmente koligasaun partidaria AMP atu halo tuir sira-nia kompromisu eleitorál no política sira durante komísiu político no kampaña eleitorál sira. Kompromísiu hirak ne'e liuliu atu rezolve problema bee mós, infraestrutura báziku, saúde no edukasaun, hametin instituisaun justisa, boa-governasaun, desentralizasaun administrativu no aprovasaun ba Projeitu Lei Anti Korrupsaun no kumprimisiu eleitorál longu-prazu sira seluk.²³

Observasaun ba Eleisaun Jerál Antesipada

Atu asegura prosesu eleisaun ne'e la'o ho transparénsia, imparsiál, kredível, justu no akontável, partikularmente kumpri rekizitu konstitusionál no legál sira, iha 09 Maiu 2018, JSMP koloka nia observadór sira ba iha munisípiu sira balun hodi halo observasaun ba prosesu eleisaun ne'e. Munisípiu sira ne'ebé JSMP halo observasaun mak Munisípiu Aileu, Dili, Ermera, Liquisa no Covalima²⁴. JSMP halo observasaun ba Sentru Votasaun 16 no estasaun votu 21 iha munisípiu 5 ne'e.

Rezultadu observasaun JSMP nian hatudu katak iha jerál eleisaun antesipada ne'e la'o di'ak, transparente, independente no akontável, maske iha kestaun téknika balun relasiona ho preparasaun ba votasaun no iregulariedade ki'ik balun ne'ebé akontese iha sentru no estasaun votu balun.

Kestaun téknika no iregulariedade sira ne'ebé JSMP deskobre mak hanesan:

- 1) Iha estasaun votasaun Prizonal Becora, Postu Administrativu Cristo Rei, Munisípiu Dili nian, estasaun votasaun foin loke iha tuku 08:00 dader no votasaun hahú iha tuku 09:30 dadeer. Tuir regra, sentru no estasaun votasaun loke iha tuku 06:00am no votasaun hahú iha tuku 07:00am. Aleinde ne'e, kabina ba votasaun nia mós distânsia besik maluk ne'ebé votante sira balun heteke no ko'alia ba malu no ofisiál la bolu atensaun.

²³ Informasaun kompletu kona-ba komunikadu imprensa ne'e bele haree iha ne'e: http://jsmp.tl/wp-content/uploads/2018/05/PrJSMPKongratulaAMPEleisaunAntesipadaPWPW_TETUM-1.pdf

²⁴ Informasaun kona-ba deslokasaun observadór sira JSMP nian ba munisípiu sira bele haree iha komunikadu imprensa ida ne'e: <http://jsmp.tl/wp-content/uploads/2018/05/JSMP-formalmente-halo-serem%C3%B3nia-deskolasaun-observad%C3%B3r-sira-ba-munis%C3%ADpiu-selesionadu-sira-atu-halo-observasaun-ba-Eleisaun-Antesipada-2018.pdf>

JSMP rekomenda atu iha futuru, pesoál sira STAE nian bele prepara fatin votasaun antes, nune'e prosesu loke sentru no estasaun no mós votasaun tuir regra. Aleinde ne'e, fatin ba votasaun presiza hili fatin ne'ebé apropiadu atu koloka kabina votasaun nian nune'e la permite votante sira bele halo komunikasaun bainhira ba vota no bele asegura votante sira atu la bele lori sasan seluk ba iha kabina votasaun nian. Ida-ne'e bele evita votante sira lori sasan sira hanesan mina ka goma ka sasan seluk ne'ebé votante sira uza hodi halo manipulasaun.

2) Iha sentru votasaun Ospitál Nasionál Guido Valadares (HNGV), estasaun votasaun loke hahú iha tuku 07:30am ho tempu hanesan hahú ho votasaun kedes. Urna sira loke kedes iha sentru votasaun depois mak lori ba estasaun votasaun HNGV ne'ebé bele risku boot ba manipulasaun iha dalan.

JSMP rekomenda atu iha futuru, pesoál STAE sira tenke prepara no estasiona kedes iha estasaun votasaun idaidak, nune'e bele loke estasaun no votasaun tuir oras ne'ebé prevee ona nomós urna sira tenke loke iha estasaun idaidak nian atu evita manipulasaun iha dalan bainhira urna sira loke kedes ona iha sentru votasaun.

3) Iha estasaun votasaun I E.S. Nú. 1 Liquisa, Postu Administrativu Liquisa, Munisípiu Liquisa, iha votante ida-ne'ebé tau goma paralone iha nia liman fuan hatuduk ne'ebé tuu ba tinta depoisde ba vota. Ofisiál STAE nian toman no entrega ba PNTL hodi halo investigasaun. Iha Sentru Votasaun Sede Suku Maumeta, Postu Administrativu Bazartete, Munisípiu Liquisa nian mós iha votante ne'ebé tau mina iha nia liman fuan hatuduk bainhira ba vota. Mina ne'e sei halo tinta kaer la metin iha nia liman fuan no nune'e fasil atu hamoos tiha no bele ba vota tan.

4) JSMP rekomenda atu bainhira votante sira ba vota hotu no ba tau tinta ba lima, pesoal STAE ne'ebé tau matan ba tinta tenke kaer votante nia liman fuan hodi tau ba tinta ka revista uluk molok tau tinta, nune'e, karik iha manipulasaun ruma, bele deteta lalais.

Aleinde kestaun téknika no iregulariedade sira ne'e, JSMP mós observa katak:

- a) Iha sentru votasaun HNGV númeru pasiente ne'ebé la vota boot tebes kompara ho sira ne'ebé ba vota. Totál pasiente ne'ebé vota 239 no pasiente ne'ebé la vota hamutuk 559 no familia sira ne'ebé akompaña sira no la vota hamutuk 145. Nune'e, totál votante sira ne'ebé la bele vota iha estasaun HNGV tanba de'it naran la iha lista hamutuk 704.

Atu garante diretu ema hot-hotu nian atu bele ezerse sira-nia direitu político hodi tuir eleisaun, partikularmente pasiente no família pasiente sira iha óspital, JSMP rekomenda atu halo ezesau ba sira kona-ba tenke rejista antes.

Ida-ne'e tanba iha pasiente no família balun ne'ebé tama fali depoisde tempu rejistu nian hotu ona, nune'e sira nia naran automatikamente sei la tama iha lista ba votasaun nian, entaun sira lakon ona sira-nia direitu ba vota. Pasisente no família pasiente sira-nian bainhira ba vota só hatudu de'it kartaun eleitorál ka dokumentu identifikasiasaun pesoál seluk ne'ebé lei permite.

- b) Iha fiskais partidu política balun ne'ebé la hatene hakerek no lee ne'ebé fó informasaun ne'ebé la loos hodi kria konfuzau bainhira halo apuramentu munisipál nian. Situasaun ne'e akontense iha apuramentu munisipál iha Munisípiu Ermera nian. JSMP rekomenda atu partidu político tenke nomea fiskais ne'ebé mínimu iha koñesimentu hakerek no lee, nune'e atu evita kriasaun konfuzau ne'ebé fó impaktu sériu mós ba prosesu eleisaun.
- c) Iha sentru votasaun E.P. Nú. 5 Comoro, Postu Administrativu Dom Aleixo nian, ofisiál sira STAE nian troka urna la deklara ka fó hatene ba fiskais no observadór sira. JSMP rekomenda ba Governu, partikularmente instituisaun sira ne'ebé responsável ba eleisaun hanesan STAE no CNE atu halo formasau ne'ebé di'ak no appropriadu ba pesoál sira STAE, CNE no fiskais partidu político sira, inklui observadór nasional sira, nune'e bele asegura prosesu eleisaun la'o ho di'ak no prevene mosu manipulasaun ka irregularidade.
- d) Iha número votu branku no nulu ne'ebé aas, partikularmente munisípiu Ermera nian.

JSMP rekomenda atu STAE bele kria métodu sosializasaun ida-ne'ebé di'ak kona-ba oinsa atu ba vota ka tuu bulletin votu, nune'e bele evita votu branku no nulu ne'ebé barak.

JSMP apresia servisu Governu nian hodi organiza eleisaun jerál ida ne'e ho di'ak no susesu, liuli STAE no CNE. JSMP mós apresia aas tebes maturidade Povu Timor-Leste nian iha ezerse sira-nia direitu político no iha foti desizaun ba hakotu impase político ne'ebé akontese iha tempu naruk nia laran ho estabilidade, pás no hakmatek to'o oras ne'e. Ida-ne'e hanesan orgullu boot ida ba timoroan hot-hotu nian.

Susesu ne'e ita hetan no kapasidade atu ultrapasa situasaun política sira ne'e ho pás no hakmatek ne'e sei sai hanesan referénsia ba NASAUN seluk iha mundu.

Observadór sira ne'e kompostu hosi pesoál JSMP no voluntáriu sira. Totál observadór hamutuk na'in 23 ne'ebé kompostu hosi pesoál JSMP na'in 8 no estudante universitáriu hamutuk na'in 15²⁵.

Governu Konstitusionál VIII no Rejeisaun ba Lista Membru Governu balun

Formasaun Governu hahú hosi tomada pose ka nomeasaun ba Primeiru Ministru no Governu hosi Prezidente Repúblika hanesan prevee iha Artigu 86 alinea h) no 106 K-RDTL. Bazeia ba kompetensia ne'e, Prezidente Repúblika, Dr. Francisco Guterres Lu'Olo nomeia Primeiru Ministru ho Dekretu Prezidente Repúblika Nú. 18/2018²⁶ no membru Governu Konstitusionál VIII iha 22 Juñu 2018. Nomeasaun ba membru Governu sira la hala'o dala ida de'it, maibé hala'o tuir grupu. Grupu dahuluk ne'ebé halo tomada pose hamutuk ho Primeiru Ministru hamutuk ema na'in 29 ne'ebé kompostu hosi Ministru 12, Viseministru 7 no Sekretáriu Estadu 10²⁷. Bazeia ba lista ne'e, entre membru Governu grupu dahuluk nian iha feto na'in 5 ne'ebé ho kargu Ministru na'in 2, Viseministru 2 no Sekretáriu Estadu 1. Nomeasaun ba membru Governu grupu daruak nian halo iha 9 Jullu 2018 ba membru na'in 3²⁸. Totál membru Governu tuir lista koligasaun partidária Aliansa Mudansa ba Progresu (AMP) hamutuk ema na'in 41.

Nomeasaun ba membru Governu VIII la hala'o dala ida, tuir observasaun JSMP nian tanba membru balun la marka prezensa iha tomdada pose no iha membru balun ne'ebé Prezidente Repúblika rejeita atu halo tomada pose ka nomeasaun. Totál lista membru Governu ne'ebé Prezidente Repúblika rejeita hamutuk ema na'in 11. Razaun ka fundamentu Prezidente Repúblika nian hodi rejeita nomeasaun ba lista membru governu sira ne'e mak kestaun judisiál katak ema sira ne'ebé iha lista ne'e rejista no hasoru hela prosesu judisiál. Relasiona ho asuntu ne'e, JSMP mós hato'o nia hanoin no analiza liuhosi komunikadu imprensa datada 28 Juñu 2018²⁹. JSMP hanoin katak atu promove ukun ne'ebé di'ak ka boa governasaun, presiza servidór Estadu ne'ebé mós hosi alegasaun kriminál atu asegura kredibilidade no integridade instituisaun sira Estadu

²⁵ Bele haree iha website JSMP: http://jsmp.tl/wp-content/uploads/2018/05/PrJSMPKongratulaAMPELeisaunAntesipadaPWPW_TETUM-1.pdf

²⁶ Bele haree dekretu ne'e iha ne'e: http://www.mj.gov.tl/jornal/public/docs/2018/serie_1/SERIE_1_NO_25.pdf

²⁷ Informasaun kompletu kona-ba dekretu ne'e bele haree iha ne'e:
http://www.mj.gov.tl/jornal/public/docs/2018/serie_1/SERIE_1_NO_25_A.pdf

²⁸ Informasaun kompletu kona-ba dekretu ne'e bele haree iha ne'e:

²⁹ Bele haree informasaun detallu iha Kl ne'e: http://jsmp.tl/wp-content/uploads/Governu-Konstitusion%C3%A1l-VIII-tenke-aseguraGovernasaundiak_TETUM.pdf

nian. Importante mak desizaun ne'e tenke asegura mós prinsípiu presunsaun inosente ne'ebé lei internasional no nasional sira proteje.

Kanselamentu Viajen Prezidente Repúblika ba Rai Li'ur

Rejeisaun Prezidente Repúblika ba halo nomeasaun ba membru Governu 11 hamosu “polítika kontra-produtivu” alias “polítika vingansa ka *balas dendam*” hosi parte AMP nian liuhosi rejeita deslokasaun Prezidente Repúblika nian ba rai li’ur ho razaun interesse nasional katak presiza rezolve uluk kestaun sira rai laran nian molok desloka ba li’ur.

Parlamentu Nasional liuhosi koligasaun AMP rejeita deslokasaun Prezidente Repúblika nian tutuir malu dala 4. Parlamentu Nasional iha 9 Jullu 2019 halo Projeto Rezolusaun Nú. 7/V/1 hodi deside deslokasaun Prezidente Repúblika ba Portugal, iha votasaun iha data hanesan, Parlamentu rejeita deslokasaun ne'e.³⁰ Iha 7 Setembru 2018, Parlamentu Nasional halo Projeto Rezolusaun Nú. 11/V/1 kona-ba deslokasaun Prezidente Repúblika nian ba Estadu Unidus, Projeto Rezolusaun Nú. 16/V/1 kona-ba deslokasaun Prezidente Repúblika nian ba Indonésia no Projeto Rezolusaun Nú. 17/V/1 kona-ba deslokasaun Prezidente Repúblika ba Vatikanu, Roma. Iha 18 Setembru 2018 iha votasaun, Parlamentu Nasional rejeita ho maioria absoluta deslokasaun Prezidente Repúblika nian ba Estadu Unidus. Iha 23 Outubru 2018, Parlamentu Nasional ho maioria simples rejeita deslokasaun Prezidente Repúblika ba Indonézia³¹. Parlamentu Nasional iha 5 Novembru 2018 Parlamentu ho maioria absoluta rejeita deslokasaun Prezidente Repúblika ba Vatikanu, Roma³². Parlamentu Nasional la autoriza publikasaun ba rezolusaun 4 kona-ba rejeisaun deslokasaun Prezidente Repúblika nian ba rai li’ur³³.

Realidade política ida ne'e, JSMP mós hato'o nia hanoin no preokupasaun sira liuhosi komunikadu imprensa datada 23 Outubru 2018³⁴. Tuir JSMP nia observasaun, política hirak-ne'e potensialmente sei lori implikasaun sériu ba relasaun no komunikasaun político no institusionál entre Prezidente Repúblika tanba prejudika relasaun entre

³⁰ Iha votasaun, total deputadu ne'ebé vota afavór 29, vota kontra 34 no abstensaun 0 hosi total deputadu 64.

³¹ Iha votasaun, total deputadu ne'ebé vota afavór 19, vota kontra 31 no abstensaun 0 hosi total deputadu 50

³² Iha votasaun, total deputadu ne'ebé vota afavór 26, vota kontra 35 no abstensaun 0 hosi total deputadu 61.

³³ Informasaun bazeia ba dadus hosi Parlamentu Nasional.

³⁴ Informasaun detallu bele haree iha Kl ne'e: <http://jsmp.tl/wp-content/uploads/Parlamentu-Nasional-%C3%A1l-dala-ida-tan-kansela-deslokasaun-Prezidente-Rep%C3%BAblika-ba-rai-liur.pdf>

órgaun soberanu sira no sei afeita vida NASAUN NO POU ki'ik sira. JSMP konsiente katak praktika hirak ne'e reflete espíritu norma sira iha Konstituisaun Repúblika kona-ba sistema "check and balance" maibé mekanizmu ne'e tenke ezerse iha forma ida-ne'ebé saúdavel, responsavel, dignu no liu-liu atu proteze interese nasional no promove governasaun di'ak, la'os tanba razaun político ne'ebé kontraprodutivu.

Orsamentu Jerál Estadu (OJE) 2018

JSMP halo monitorizasaun no akompaña diskusaun no aprovisaun OJE tinan 2018 iha Parlamentu Nasional. Parlamentu Nasional halo diskusaun no votasaun ba OJE 2018 iha finál globál iha 7 Setembru 2018. Montante OJE ne'ebé aprova ne'e hamutuk millaun US\$1,279,6 ho votu afavór 42, kontra 9 no abstensaun 14.

Deputadu sira ne'ebé vota kontra no abtensaun ne'e mai husi Bankada Fretilin, enkuantu bankada opozisaun Partidu Demokrátiku (PD) ho Partidu Unidade Dezenvolvimentu Demokrátiku (PUDD) vota afavór.

Kategoria OJE 2018

OJE 2018 nian ne'e fahe ba kategoria tolu. Kategoria dahuluk kobre período tempu ezekusaun sira husi fulan-Janeiru to'o Juñu tinan 2018, ne'ebé Governu konstitutionál VII ezekuta ona, iha rejime duodesimál, ho total despeza milliaun US\$402,100.

Kategoria daruak nian relasiona ho período ezekusaun husi fulan Jullu to'o Agostu tinan 2018, ne'ebé Governu Konstitutionál VIII kontinua asegura ezekusaun despeza pública iha rejime duodesimál ho total orsamentu besik millaun US\$30 kada fulan.

Iha kategoria datoluk mak hahú husi fulan-Setembru to'o Dezembru 2018, ho despeza ne'ebé prevee ona to'o tinan fiskál 2018 nia rohan, ho total orsamentu hamutuk milliaun US\$ 715,500.

OJE ne'e inklui orsamentu empréstimu sira ho kategoria dotasaun mak hanesan tuirmai ne'e:

1. Saláriu no vensimentu: milliaun US\$200,312;
2. Beins no servisu sira: milliaun US\$ 421,666;
3. Transferénsia pública sira: milliaun US\$261,925;
4. Kapital menór: milliaun US\$3,659 no

5. Kapitál dezenvolvimentu: milliaun US\$392,037 (ne'e inklui fundu infraestrutura no empréstimu sira).

Prosesu diskusaun no aprovasaun iha espesialidade

Diskusaun espesialidade hanesan faze ida iha prosesu diskusaun ba OJE kada tinan tuir rejimentu. Ida-ne'e hanesan mós ho diskusaun ba esbosu lei sira seluk iha faze espesialidade hodi diskuti artigu idaidak ba Lei Orsamentu Estadu ne'ebé Governu propoin ba Parlamentu Nasional.

Iha diskusaun no aprovasaun iha espesialidade, JSMP rejista proposta hamútuk 99. Proposta hirak-ne'e kompostu husi proposta ba pedidu aditamentu ba aumenta orsamentu no proposta eliminasaun ba orsamentu ne'ebé tuir deputadu sira konsidera deznesesáriu atu ezekuta iha tempu badak.

Proposta 99 ne'e kompostu hosi proposta 46 mai hosi bankada opozisaun, proposta 13 mai hosi bankada sira hosi AMP nian no proposta 34 nu'udar proposta konjunta hosi bankada opozisaun no bankada sira hosi AMP nian. Entretantu proposta foun 6 hamosu iha prosesu diskusaun nia laran.

Husi proposta hirak ne'e, proposta ne'ebé la pasa hamutuk 20, proposta ne'ebé retira hamutuk 26, proposta ne'ebé pasa hamutuk 38 no proposta 11 mak sofre alterasaun husi proposta sira ne'ebé pasa uluk durante votasaun espesialidade.

Proposta sira ne'ebé retira ne'e mai hosi bankada opozisaun. Proposta sira ne'e retira ho razaun rua. Razaun dahuluk mak bainhira hetan ona esplikasaun ka justifikasi sira ne'ebé klaru hosi parte Governu nian no daruak mak Governu tau konsiderasaun liu ba proposta sira mai hosi bankada sira AMP nian. Primeiru Ministro argumenta katak nia Governu tenke tau priopriedade liu ba proposta sira bankada AMP nian tanba se la'e nia Governu bele monu.

Entre proposta sira opozisaun nian, Proposta Nú. 87 relaciona ho servisu profisionál nian, liiliu kona-ba kontratu asesór nasional no internasional sira. Proponente mai hosi bankada Fretolin no PD. Dotasaun OJE 2018 ba rubrika servisu profisionál hamutuk milliaun US\$1,786. Proponente sira hato'o razaun katak iha OJE 2016 nian Governu aloka orsamentu hamutuk milliaun US\$3,526 no iha OJE 2017 milliaun US\$1,650.

Parlamentu Nasional la hetan informasaun ka relatório ruma kona-ba rezultadu hosi utilizasaun orsamentu ba prestasaun servisu profisionál sira ne'e.

Bazeia ba razaun sira iha leten, proponente sira hato'o proposta hodi hatún tiha montante ne'ebé orijinalmente milliaun US\$1,786 ba rihun US\$786. Ne'e signifika PN konsege salva (poupa) tiha millaun US\$ 1. Proposta ne'e pasa ho votu afavór 37, kontra 3 no abstensaun 23.

Husi proposta sira ne'e, ida-ne'ebé mak kobre fundu ho montante bo'ot liu mak proposta aditamento ba kapitalizasaun TL Semtent, Lda. ho valór orsamentu millaun US\$50. Proposta sira seluk atu kobre de'it dívida hosi Presidente Repúblika, Ministériu Finansa, dotasaun ba Governu, Ministériu Justisa, Ministra Edukasaun, Juventude no Desportu, Ministériu Negósiu Estranjeiru no Kooperasaun, Ministériu Transporte no Komunikasaun, Ministériu Planeamentu no Investimentu Estratéjiku, Provedoria dos Direitos Humanos e Justiça (PDHJ), Komisaun Anti Korrupsaun (KAK) no Laboratório Nasional.

Partikularmente, iha area justisa, Parlamentu Nasional aprova orsamentu ba Ministériu Justisa ho valór milliaun US\$13,840 ho votus afavór 49, kontra 0, no abstensaun 15. Orsamentu ne'e sei gasta ba saláriu no vensimentu ho valór milliaun US\$4,700, bens no servisu hamutuk milliaun US\$9,089 no selu remunerasaun (pagamentu retroativu) ba profisionál defensór públiku sira.

Deputada Carmelita Moniz nu'udar proponente ba proposta aditamento propoin tan proposta rua ne'ebé pasa ho montante millaun 1 resin ba Asisténsia Tékniku iha Projeto Sistema Nasional Kadastrál (SNC) no orsamentu ne'e mós sei uza ba finansimentu konstrusaun edifísiu delegasaun Defensória Pública iha Munisípiu Ermera no Bobonaro.

Ministru Justisa agradese ba vontade Deputadu sira-nian ne'ebé aprova proposta orsamentál ba Ministériu Justisa hodi dezenvolve setór Justisa. Entertantu reforsa husi Ministra Interina Finansas katak fonte finansimentu ba proposta ne'e sei foti fundu husi KITAN nian tanba sei iha saldo milliaun US\$4.

Proposta eliminasaun ne'ebé pasa mak hanesan:

- Proposta eliminasaun ba reimbosu taxa Explorasaun KITAN ho valór millaun US\$64.500;

- Proposta eliminasaun ba fundu plurianual (orsamentu ba multi-anu) husi PSIK ho valór milliaun US\$5.
- Fundu rezerva iha Ministériu Finansa.
- Nomós Fundu Kapítál ba Dezenvolvimentu Umanu iha verba kona-ba kapasitasaun ba funzionáriu públiku sira.

Eliminasaun ba proposta husi fundu hirak ne’ebé mensiona iha leten ho objetivu atu apoiu proposta aditamentu ba aumentu Prezidente Republika, Ministériu Finansa, Ministériu Justisa, Ministra Edukasaun no instituisaun autónomu sira.

Preokupasaun no krítica hosi Bankada Opozisaun

Durante diskusaun iha jeneralidade nomós espesialidade, deputadu sira hosi opozisaun hato’o sira-nia preokupasaun katak proposta Lei OJE 2018 ne’ebé apresenta husi Primeiru Ministro la tuir prosedimentu Lei Jestaun Finanseira (LJF). Partidu opozisaun sira subliña katak violasaun ba LJF ne’e la’ós de’it Governu maibé inklui mós deputadu sira iha Parlamentu Nasional.

Opozisaun konsidera katak la iha balansu entre reseita ho despeza, tanba reseita ne’ebé atu hetan ki’ik liu husi despeza orsamentu. Haree husi pontu-de-vista ekonómiku nian, OJE 2018 ne’e la realista maibé populista tanba iha rúbrika balu deznesesáriu no la pertinente.

Bankada opozisaun sira preokupa tanba despeza sira husi fulan Janeiru to’o Agostu 2018 hamutuk pursentu 29% de’it husi total OJE 2018, enkuantu maioria ka pursentu 71% atu gastu ba fulan haat nian laran de’it.

Preokupasaun seluk mak kestaun proposionalidade Governu VIII nian kona-ba distribuisaun OJE ne’ebé la hatudu ekuitativu no konrádis ho prioridade estimasaun Programa Governu VIII nian.

Bankada opozisaun, partikularmente Fretilin lamenta tebes ho alokasaun orsamentu ba setór edukasaun, agrikultura no saúde. Setór hirak-ne’e mak sai hanesan setór xave no importante maibé Governu aloka orsamentu ho montante limitadu. Orsamentu sira ne’e aloka ba área/setór sira ne’e ho milliaun US\$121,1 ka konstitui pursentu 9.4% de’it. Edukasaun Governu aloka de’it 5.9% no ida-ne’e oinsa mak bele mellora kualidade edukasaun.

Opozisaun mós identifika pagamentu ilegál balun ba projeitu merenda eskolar tuir auditoria Tribunál Kontas 2017 ho valór US\$28,000. Tanba ne'e, opozisaun husu ba Primeiru Ministru atu haree didi'ak kestaun sira ne'e, nune'e iha futuru bele garante no asegura tranparensia iha nia ezekusaun. Alende ne'e, opozisaun mós kestiona kona-ba projeitu konstrusaun moru eskola sira ne'ebé kada tinan governu sempre aloka orsamentu maibé nia rezultadu kontinua la iha.

Iha parte seluk, Bankada PD, preokupa no la aseita ho alokasaun orsamentu atu selu projetu 142 ho valór milliaun US\$244.1 ne'ebé konklui ona iha mandatu Governu VI nian. PD rejeita projeto ne'e tanba hetan karta ida husi Direitór Sekretariadu Grande Projetu nian, iha 3 Agostu 2017. Iha karta ne'e haktuir katak projeitu 142 ne'e seidauk tama iha faze planeamentu orsamentu no seidauk hetan aprovasaun husi Parlamentu maibé tama iha kategoria projetu foun.

Direitór Sekretariadu Grande Projetu rekoñese katak *Conselho da Administração dos Fundos de Infraestrura* (CAFI) aprova ona hodi halo projeto hirak ne'e, maibé seidauk halo kontratu ho emprezáriu sira. Maske aprova ona hosi CAFI maibé seidauk iha kontratu tuir Lei Fundu Infraestrutura, Lei Jestaun Finanseira no Lei Orsamentu Estadu. Tanba ne'e PD husu ba Primeiru Ministru atu klarifica kona ba preukupasaun PD nian.³⁵

Deklarasaun política no pedidu kriasaun Komisaun Inkéritu Parlamentár

Bankada opozisaun sira konsidera orsamentu ne'ebé bo'ot no sira dívida ba Governu nia kapasidade atu ezekuta orsamentu hirak-ne'e ho di'ak no loloos, liuliu ba pagamentu dívida sira. Tanba ne'e sira husu ba Parlamentu Nasionál tenke kria Komisaun Inkéritu Parlamentár (KIP) ida hodi halo akompañiamentu ba prosesu pagamentu ba dívida sira ba projeitu 142 ne'ebé Governu prevee ona atu selu.

Iha parte seluk husi bankada Governu nian kontinua enkoraza Governu atu dixiplina iha ezekusaun orsamentu. Deputadu sira rekomenda ba Governu atu aprende hosi esperiēnsia ezekusaun husi RAEOA no ZEEMS nian ne'ebé Tribunál Kontas relata

³⁵ Kestaun no preukupasaun sira ne'e mak hanesan tuir mai ne'e:

1. Serake alokasaun orsamentu ho montante milliaun US\$323.6 iha kategoria dezenvolvimentu ne'e atu selu ba projeitu 142?
2. Se Governu VIII propoin atu selu, projeto hirak mak atu selu no montante osan hira mak prevee?
3. Defaktu Parlamentu Nasionál seidauk retifika OJE 2017 hodi hatama projeitu 142, se nune'e lei ida ne'ebé mak autoriza VI governu hodi haruka emprezáriu sira halo uluk projeto iha terrenu, no ikus mai Governu VIII mai husu Parlamentu Nasionál atu aprova orsamentu hodi selu projeto sira ne'e?
4. Se Governu VIII atu selu duni projeto 142, oinsa Primeiru Ministru nia hanoin konaba legalidade no konstitusionalidade ba projeto 142? Serake Primeiru Ministru selu de'it sein hare ba legalidade?
5. Oinsa Primeiru Ministru nia komprimisíu atu promove boa Governasaun, kombaté koluzaun no korrupsaun atu hatuar integridade lideransa no hakbiit konfiansa povu nian?

katak iha buat barak ne'ebé la la'o tuir regra no projeitu sira halo adjudikasaun direita de'it. Tanba ne'e deputadu sira husu atu evita ida-ne'e hodi kontrola membru Governu sira atu ezekuta orsamentu ho kualidade.

JSMP observa katak debate OJE 2018 nian ne'e la'o ho di'ak hahú hosi faze jeneralidade no espesialidade to'o finál globál. Mezmuke iha deputadu sira balun kontinua la dixiplina iha prosesu diskusaun no votasaun inklui mós akontese dezentendimentu balun entre deputadu sira bankada opozisaun ho sira hosi parte Governu nian.

Bankada opozisaun mós partisipa ativu iha debate no diskusaun sira inklui hato'o proposta alterasaun hamutuk 47 husi totál proposta 99. Mezmuke proposta sira ne'e ikus mai barak retira hotu tanba la hetan apoiu husi deputadu maioria iha Parlamentu Nasional nomós tanba resposta ka justifikasi sira hosi parte Governu konvense deputadu proponente sira atu retira sira-nia proposta. Aleinde ne'e, deputadu sira husi opozisaun mós hato'o sira nia lamentasaun kona-ba proposta sira-nian ne'ebé la pasa durante votasaun. Hatan ba preokupasaun sira ne'e Primeiru Ministro deklara katak nia Governu sei mantein atu apoiu proposta sira ne'ebé hato'o ona husi deputadu AMP sira tanba se lae sei lori risku boot ba nia Governu ne'e rasik ne'ebé durante ne'e hetan apoiu husi AMP.

JSMP observa katak proposta OJE ba tinan 2018 aleinde atu normaliza fila-fali prosesu orsamentu tuir prosesu normál hodi hapara orsamentu duadésimu nian. Prioridade husi OJE 2018 ne'e mós só atu uza de'it ba selu dívida sira no atu fasilita mákina Estadu nian ba fulan hirak nian laran tanba la iha projeitu foun iha OJE 2018 mak Governu VIII propoin atu halo.

Mesmu nune'e, JSMP hanoin katak ba interese nasional no atu promove partisipasaun bankada opozisaun sira, Governu no deputadu sira hosi bankada governu nian presiza nakloke-an atu haree no konsidera proposta sira hosi opozisaun. Signifika katak presiza apresia proposta sira hosi partidu opozisaun balun hodi kontribui hadi'a no haforsa servisu governu nian no Estadu iha jerál. Konsiderasaun ba proposta ne'e bele mós kontribui ba harii klima política ida-ne'ebé seguru no konduzivu iha Parlamentu Nasional agora no iha futuru no evita alegasaun 'dominasaun maioria' iha PN.

JSMP mós rejista katak proposta no preokupasaun sira ne’ebé bankada opozisaun sira hato’o ne’e mós relevante no importante atu Governu konsidera hodi bele asegura governasaun ida-ne’ebé proporsionál, respeitu ba norma sira tuir Lei Jestaun Finanseriu no Lei Orsamentu Estadu no lei sira seluk ne’ebé iha ligasaun ho utilizasaun orsamentu estadu nian atu asegura governu ida-ne’ebé kredivel iha futuru.

JSMP fiar katak ho partisipasaun ema hotu nian liuliu partidu polítiку sira iha Parlamentu Nasional sei prodús efeitu ida-ne’ebé di’ak ba povu no nasaun Timor-Leste³⁶.

Hanesan mós organizasaun sosiedade civil sira seluk, JSMP preokupa tebes ba efeitu hosi alokasaun no ezekusaun orsamentu estadu kada tinan. Partikularmente alokasaun orsamentu iha setór produtivu sira ne’ebé la konsistente hanesan mós ba iha setór justisa.

Advokasia

Advokasia nu’udar meiu ida-ne’ebé JSMP uza hodi kontribui hadi'a no promove sistema no funzionamento setór justisa no lejizlativu. Atividade ne'e ho objetivu atu influénsia autór prinsipál sira ne’ebé iha kompeténsia tuir Konstituisaun no lei atu foti desizaun sira iha sistema política, lejizlativu no mós judisiáriu.

JSMP regularmente hato’o paraser ka hanoin, halo audiénsia, partisipa iha rede direitu umanu no justisa nasional no internasional no halo publikasaun iha mídia-massa no elektrónica, rádiu no televizaun.

Iha 2018, JSMP prepara no apresenta paraser lubuk ida ba órgaun no instituisaun público sira Estadu nian ba asuntu sira ne’ebé iha ligasaun ho asuntu político, lejizlativu no justisa. Objetivu hosi paraser ne'e mak atu fornesse hanoin alternativu balun ne’ebé bele tulun político no órgaun ka instituisaun público sira atu bele foti desizaun sira ne’ebé refleta interesse ema barak nian liu hosi desizaun politika no halo lezislaun nian.

Paraser ne’ebé JSMP prodús iha período 2018 nian hamutuk 7 mak hanesan a) Nota pozisaun JSMP kona-ba alokasaun Orsamentu Jerál Estadu (OJE) 2019 ba setór

³⁶ Bele haree kompeitu iha website JSMP: http://jsmp.tl/wp-content/uploads/SumariuDiskusaunOJEParlamentuNASIONAL_TETUM.pdf

justisa³⁷ b) Progresu no Dezafiu sira kona-ba Dezenvolvimentu Lejislativu iha Timor Leste³⁸ c) Obrigasaun Estadu Timor-Leste iha prosesu rekrutamentu no iha fatin Empregu: Progresu no dezafiu implementasaun Konvensaun kona-ba Halakon Forma Diskriminasaun Hothotu Hasoru Feto (CEDAW)³⁹ d) Implementasaun Konvensaun Internasionál ba Direitu Sivíl no Polítika (ICCPR) liuhosi Perspetiva Lei Nú. 1/2006 kona-ba Liberdade Reuniaun no Manifestasaun⁴⁰ e) Kompromísiu atu kombate krime korrupsaun, kompeténsia Komisaun Anti Korrupsaun no ninia dezafiu sira⁴¹ f) Disolusaun Parlamentu Nasional no Efeitu ba Lejitimidade Politiku Governu atuál⁴² no g) Rezultadu Monitorizasaun no Deskobrimentu JSMP nian iha Setór Justisa.⁴³

Paraser sira ne'e JSMP prodús bazeia ba rezultadu peskiza sira liuhosi observasaun direta, indireta no entrevista ho autór ka parte relevante sira. Hanoin no rekomendasaun sira JSMP nian ne'ebé konstitui iha paraser sira ne'e, balun hetan konsiderasaun hosi parte relevante sira.

Aleinde paraser, JSMP mós regularmente prodús komunikadu imprensa sira relasiona ho asuntu importante no relevante balun ne'ebé JSMP deskobre iha setór lejizlativu nomós setór justisa iha komunidade liuhosi treinamentu sira. Iha periodu 2018, JSMP prodús komunikadu imprensa hamutuk 56 no entre komunikadu imprensa sira ne'e, iha balun relasiona ho situasaun impase política no funzionamento Parlamentu Nasional no balun kona-ba funzionamento setór justisa, restante hosi ne'e kona-ba atividade treinamentu, komemorasaun no semináriu rejonal sira.

Komunikadu imprensa sira ne'ebé toka kona-ba situasaun política no funzionamento Parlamentu Nasional nomós Governu nian mak hanesan a) Situasaun Impose Política no Posivel Solusaun⁴⁴ b) Eleisaun Foun iha Timor-Leste tenke Livre no Justu⁴⁵ c) JSMP

³⁷ Detallu hosi paraser ne'e bele haree iha ne'e: http://jsmp.tl/wp-content/uploads/PareserKona-baOrsamentuJeralEstaduOJS_TETUM.pdf

³⁸ Bele haree detallu hosi paraser ne'e iha ne'e: http://jsmp.tl/wp-content/uploads/Submisaun_JSMP-ba-PN-versaun-final-30-9-2018FINAL_TETUM.pdf

³⁹ Bele haree detallu hosi paraser ne'e iha ne'e: <http://jsmp.tl/wp-content/uploads/Progresu-no-dezafiu-implementasaun-CEDAW-final-2018.pdf>

⁴⁰ Bele haree detallu paraser ne'e iha ne'e: http://jsmp.tl/wp-content/uploads/Pareserkona-baLeiDemostrasau_TETUM.pdf

⁴¹ Bele haree detallu hosi paraser ne'e iha ne'e: http://jsmp.tl/wp-content/uploads/Komprimisiuatukombatekrimekorupsaun_TETUM.pdf

⁴² Bele haree detallu hosi paraser ne'e iha ne'e: <http://jsmp.tl/wp-content/uploads/2018/02/Disolusaun-Parlamentu-Nasional-versaun-ikus.pdf>

⁴³ Detallu hosi paraser ne'e bele haree iha ne'e: http://jsmp.tl/wp-content/uploads/AsuntusiradiskutehoTRIBUNALREKURSU_Tetum.pdf

⁴⁴ Bele haree detallu KI ne'e iha ne'e: http://jsmp.tl/wp-content/uploads/PrPWPKompetensia-PrezidentebaEmpasePolitiku_TETUM.pdf

halo observasaun ba eleisaun antesipa⁴⁶ d) JSMP kongratula vitoria AMP iha eleisaun antesipa no fó nia rekomendasaun⁴⁷ e) Governu foun tenke kumpri nia responsabilidade⁴⁸ f) Lejizlatura V tenke dezenvolve Programa Nasional Lejizlativu⁴⁹ g) Governu Konstitusionál VIII tenke asegura no promove governasaun di'ak⁵⁰ h) JSMP apresia bankada Fretilin no PD ne'ebé apresenta Projeto Lei Anti-Korrupsaun ba Meja PN⁵¹ i) JSMP apresia Komisaun F PN ne'ebé fornese espasu ba sosiedade sivil hodi kontribui ba prosesu lejizlativu⁵² j) Sumáriu diskusaun no aprovasaun ba OJE 2018⁵³ k) JSMP hasoru malu ho Prezidente Parlamentu Nasional hodi apresenta deskobrimentu JSMP nian iha setór lejizlativu⁵⁴ k) Bankada Fretilin husu ba líder político sira halo diálogu hodi buka solusaun ba impase política⁵⁵ l) Komisaun F PN apresia deskobrimentu JSMP nian iha monitorizasaun ba PN⁵⁶ m) Parlamentu Nasional dala ida tan kansela viajen Prezidente República ba rai li'ur⁵⁷ n) Parlamentu Nasional finalmente kria kultura foun ba levantamento imunidade.⁵⁸

Iha komunikadu imprensa hirak-ne'e, JSMP fornese hanoin, analiza, interpretasaun no rekomendasaun ba instituisaun no órgaun relevante sira Estadu nian relasiona ho asuntu relevante ho sira-nia àrea servisu.

⁴⁵ Bele haree detallu KI ne'e iha ne'e: http://jsmp.tl/wp-content/uploads/2018/05/PressStatementimor-Leste-Clean_TETUM.pdf

⁴⁶ Bele haree detallu KI ne'e iha ne'e: <http://jsmp.tl/wp-content/uploads/2018/05/JSMP-formalmente-halo-serem%C3%B3nia-deskolasau-observad%C3%B3r-sira-ba-munis%C3%ADpiu-selesionadu-sira-atu-halo-observasaun-ba-Eleisaun-Antesipada-2018.pdf>

⁴⁷ Bele haree detallu KI ne'e iha ne'e: http://jsmp.tl/wp-content/uploads/2018/05/PrJSMPKongratulaAMPELeisaunAntesipadaPWPW_TETUM-1.pdf

⁴⁸ Bele haree detallu KI ne'e iha ne'e: http://jsmp.tl/wp-content/uploads/2018/05/PR-JoinT-Statement-FA-JSMP-Asosiasaun-HAK_TETUM.pdf

⁴⁹ Bele haree detallu iha ne'e: http://jsmp.tl/wp-content/uploads/PrPWPParlamentuNasionalDALIMAK_TETUM.pdf

⁵⁰ Bele haree detallu iha ne'e: http://jsmp.tl/wp-content/uploads/Governu-Konstitusion%C3%A1l-VIII-tenke-aseguraGovernasaundiak_TETUM.pdf

⁵¹ Bele haree detallu iha ne'e: http://jsmp.tl/wp-content/uploads/PrPWPFretilinPDApresentaPLAK_TETUM.pdf

⁵² Bele haree detallu iha ne'e: http://jsmp.tl/wp-content/uploads/PrPWPAudensiahoKomisaunFParlamentuNasional_TETUM.pdf

⁵³ Bele haree detallu iha ne'e: http://jsmp.tl/wp-content/uploads/SumariuDiskusaunOJEParlamentuNASIONAL_TETUM.pdf

⁵⁴ Bele haree detallu iha ne'e: http://jsmp.tl/wp-content/uploads/PrAudensiahoPrezidentePARLAMENTUNASIONAL_TETUM.pdf

⁵⁵ Bele haree detallu iha ne'e: http://jsmp.tl/wp-content/uploads/PrPWPBanakdaFRETILINPromoveBoaGovernasaunnoKKN_TETUM.pdf

⁵⁶ Bele haree detallu iha ne'e: http://jsmp.tl/wp-content/uploads/PrAudensiahoPrezidenteKomisaunF-PN_TETUM.pdf

⁵⁷ Bele haree detallu iha ne'e: <http://jsmp.tl/wp-content/uploads/Parlamentu-Nasion%C3%A1l-dala-ida-tan-kansela-deslokasaun-Prezidente-Rep%C3%A3oAblika-ba-rai-liur.pdf>

⁵⁸ Bele haree detallu iha ne'e: http://jsmp.tl/wp-content/uploads/PR_PN-halo-lezantamento-imunidade-ba-deputadu-.pdf

JSMP mós halo audénsia ho parte relevante sira iha setór justisa, lejizlativu no ezekutivu ba asuntu sira ne’ebé JSMP halo hela advokasia. Audénsia JSMP aleinde halo mesak, halo mós hamutuk ho sosiedade sivil sira seluk. Audénsia sira ne’ebé JSMP halo iha 2018 nian mak hanesan a) audénsia ho Ministru Justisa hodi rekomenda atu kriminaliza insestu⁵⁹ b) Audénsia ho Prokuradór Jerál Repúblika hodi apresenta observasaun jerál JSMP nian iha setór justisa⁶⁰ d) Audénsia ho Sekretariu Estadu ba Asuntu Igualdade no Inkluzaun hodi ko’alia kona-ba hadi’a Kódigu Penál hodi proteje ho di’ak feto no labarik⁶¹ e) Audénsia ho Komisaun F Parlamentu Nasionál hodi introdús servisu JSMP nian⁶² f) Audénsia ho Prezidente Parlamentu Nasionál hodi apresenta deskobrimentu JSMP nian.⁶³

JSMP nia advokasia sira liuhosi mídia impreme normalmente liuhosi publikasaun artigu sira iha Jornál Diário no Timor Post kada semana. Informasaun sira ne’ebé JSMP publika nu’udar sumáriu hosi atividade sira ne’ebé JSMP halo ho monitorizasaun ba Tribunál no Parlamentu Nasionál.

Preokupasaun membru Konsellu Suku no membru Grupu LGBT

Aleinde implementa programa prinsipál sira hanesan monitorizasaun ba tribunál sira no Parlamentu Nasionál, JSMP fasilita mós treinamento ba membru Konsellu Suku nomós ba membru komunidade grupu Lesbian, Gay, Bisexual no Transgender (LGBT) iha jurisdissaun tribunál distritál 4.

Objetivu hosi treinamento ida-ne’e mak atu hasa’e koñesimentu parte sira ne’e nian iha demokrasia, knaar órgaun soberanu sira-nian, partisipasaun públiku iha prosesu halo lei no asesu ba justisa formál. Partisipante sira liuhosi treinamento ne’e bele hasa’e sira-nia koñesimentu kona-ba oinsa mak bele ezerse ho di’ak sira-nia direitu política iha demokrasia, partikularmente iha eleisaun jerál sira, bele hatene ho di’ak knaar no

⁵⁹ Bele haree KI iha ne’e: http://jsmp.tl/wp-content/uploads/PrEkipaAdvokasiahosorumaluhohMJ_TETUM.pdf

⁶⁰ Bele haree KI iha ne’e: http://jsmp.tl/wp-content/uploads/PrAudensiahoPGR_TETUM.pdf

⁶¹ Bele haree KI iha ne’e: http://jsmp.tl/wp-content/uploads/PrEkipaAdvokasiahaloAudensiahoSEII_TETUM.pdf

⁶² Bele haree KI iha ne’e: http://jsmp.tl/wp-content/uploads/PrPWPAudensiahoKomisaunFParlamentuNasional_TETUM.pdf

⁶³ Bele haree KI iha ne’e: http://jsmp.tl/wp-content/uploads/PrAudensiahoPrezidentePARLAMENTUNASIONAL_TETUM.pdf

kompeténsia hosi Prezidente Repúblika, Parlamentu Nasional, Governu no Tribunál, bele hatene oinsa bele partisipa ho di'ak iha audénsia público sira ba asuntu lejizlativu sira no bele hatene ho di'ak knaar instituisaun sira ne'ebé servisu iha setór mak hanesan tribunál, Ministériu Público, Defensoria Pública, Advogadu Privadu no Polisia. Aleinde ne'e, ba líder komunitária bele hatene ho di'ak sira-nia knaar no kompeténsia atu rezolve problema sira mekanizmu no lei ne'ebé iha.

Totál Treinamentu ne'ebé JSMP realiza iha 2018 hamutuk 12 ne'ebé kompostu hosi treinamentu ba membru konsellu suku no membru komunidade hamutuk 12 no treinamentu ba komunidade Lesbian, Gay, Bisexual and Transgender (LGBT) hamutuk dala 4 iha nivél munisípiu. Munisípiu sira ne'e mak hanesan munisípiu Baucau, Covalima, Dili no Manatuto.

Treinamentu iha jurisdisaun Tribunál Distritál Baucau (TDB) hala'o iha munisípiu sira mak hanesan; munisípiu Baucau hala'o ba membru komunidade grupu LGBT iha 7 Fevereiro 2018, munisípiu Viqueque hala'o ba membru konsellu suku no membru komunidade Suku Builale, Postu Administrativu Ossu iha 13 Fevereiro 2018, munisípiu Lautem hala'o ba membru konsellu suku no membru komunidade Suku Lakawa, Postu Administrativu Luro iha 16 Fevereiro 2018,⁶⁴ iha munisípiu Manatuto hala'o ba membru komunidade grupu LGBT iha Postu Administrativu Manatuto Vila iha 26 Setembru 2018,⁶⁵ munisípiu Viqueque hala'o ba membru konsellu suku no membru komunidade Suku Dilor, Postu Administrativu Lacluta iha 4 Outubru 2018⁶⁶.

Treinamentu iha jurisdisaun Tribunál Distritál Suai (TDS) nian hala'o iha munisípiu Covalima ba membru komunidade grupu LGBT iha 7 Marsu 2018, iha munisípiu Ainaro ba membru konsellu suku no membru komunidade Suku Cassa, Postu Administrativu Ainaro Vila iha 13 Marsu 2018 no iha munisípiu Bobonaro ba membru konsellu suku no membru komunidade Suku Carabau, Postu Administrativu Bobonaro iha 15 Marsu 2018.⁶⁷

⁶⁴ Informasaun detallu bele haree iha KI ne'e: http://jsmp.tl/wp-content/uploads/PrAudensiahoPrezidentePARLAMENTUNASIONAL_TETUM.pdf

⁶⁵ Informasaun detallu bele haree iha KI ne'e: http://jsmp.tl/wp-content/uploads/PR-Treinamentu-Grupu-LGBT-Manatuto_TETUM.pdf

⁶⁶ Informasaun detallu bele haree iha KI ne'e: http://jsmp.tl/wp-content/uploads/PrTreinamentuCaicuaDilorDFAT_Tetum.pdf

⁶⁷ Informasaun detallu iha KI ne'e: http://jsmp.tl/wp-content/uploads/PrTreinamentuLGBTJuridisaunSUAID-FAT_Tetum.pdf

Treinamentu iha jurisdisaun Tribunál Distritál Dili (TDD) hala’o iha munisípiu Ermera ba membru konsellu suku no membru komunidade iha Suku Liho, Postu Administrativu Railaco 11 Abril 2018,⁶⁸ iha munisípiu Dili ba membru konsellu suku no membru komunidade iha Suku Beloi no Postu Administrativu Atauro iha 19 Maiu 2018⁶⁹ no iha munisípiu Ermera ba membru konsellu suku no membru komuniade Suku Leimea Leten, Postu Administrativu Atsabe iha 23 Agostu 2018⁷⁰.

Treinamentu ba jurisdisaun Tribunál Distritál Oecusse (TDO) hala’o iha Suku Usitaco, Postu Administrativu Nitibe ba membru konsellu suku no membru komunidade sira iha 15 Novembru 2018, iha Suku Naimeco, Postu Administrativu Pante Makasar iha 19 Novembru 2018 no Suku Lelaufe, Postu Administrativu Nitibe iha 21 Novembru 2018⁷¹.

Totál partisipante hosi treinamentu ba komunidade Lesbian, Gay, Bisexual no Transgender (LGBT) hamutuk ema na’in 117 no totál partisipante sira hosi treinamentu ba membru konsellu suku no komunidade sira hamutuk ema na’in 358, ne’ebé kompostu hosi feto na’in 136 no mane na’in 222.

Iha treinamentu sira ne’e, partisipante sira tantu hosi membru konsellu suku no membru komunidade grupu LGBT foti kestaun no hato’o sira-nia preokupasaun. Preokupasaun partisipante sira hosi komunidade LGBT iha treinamentu iha Baucau mak kona-ba problema defamasaun, presaun no violasaun oioin sira seluk iha iha sira-nia familia no komunidade, maibé sira la hato’o keixa tanba sira la hatene nia dalan no la hatene kona-ba sira nia-direitu nu’udar sidadaun iha NASAUN direitu demokrátiku ida hanesan Timor-Leste.⁷²

Partisipante LGBT sira iha Manatuto levanta kestaun sira relasiona ho problema sira relasiona ho sira-nia direitu ne’ebé mak durante ne’e sira enfrenta mak iha sosiedade liu-liu sira-nia familia despreza sira-nia prezensa tanba sira moris ho natureza sira ne’ebé diferente. Kestaun seluk mak relasiona ho akuzasaun no diskriminasaun ne’ebé mak sira

⁶⁸ Informasaun detallu bele haree KI ne’e: http://jsmp.tl/wp-content/uploads/2018/01/PrTreinamentuDistrituErmeraDFAT_TETUM.pdf

⁶⁹ Informasaun detallu bele haree iha KI ne’e: http://jsmp.tl/wp-content/uploads/2018/06/PrTreinamentoProjetoDFATAtauro_TETUM.pdf

⁷⁰ Informasaun detallu bele haree iha KI ne’e: http://jsmp.tl/wp-content/uploads/PrPWPTreinamentu-ih-a-Leimeia-Leten-Atsabe_TETUM.pdf

⁷¹ Informasaun detallu bele haree KI ne’e: http://jsmp.tl/wp-content/uploads/PrPWPTreinamentuOECUSSE_DFAT_TETUM.pdf

⁷² Bele haree direita iha website JSMP: http://jsmp.tl/wp-content/uploads/PrTreinamentubaLGBTBaucauDFAT_TETUM.pdf

hetan, ida-ne'e iha lei ruma hodi bele asegura sira-nia direitu ka lae? Se wainhira mak sira hetan ameasa, violénsia, violasaun seksuál sira bele halo levantamento ba ne'ebé no oinsa mak bele prosesu?⁷³

Partisipantes hosi grupu LGBT Suai husu ba estadu RDTL atu rekuñese sira-nia direitu liiliu ba kazamentu ho seksu hanesan no direitu ba liberdade hanesan mós ho komunidade sira seluk iha nasaun demokrátiku ida-ne'e.⁷⁴

Aleinde kestaun no preokupasaun partisipante sira grupu LBGT nian, partisipante sira hosi membru konsellu suku no membru komunidade sira mós foti kestaun no hato'o sira-nia preokupasaun. Partisipante hosi suku Lih, Ermera foti kestaun relasiona ho formasaun Governu Konstitusionál VII, disolusaun Parlamentu Nasionál no eleisaun antesipada. Partisipante sira husu katak tanba sa mak forma tiha governu ona tenke halo fali eleisaun antesipada no ne'e tuir lei ka lae? Partisipante sira mós husu kona-ba ezisténsia governu nian depoisde dissolve tiha Parlamentu Nasionál? Kestaun sira balun ne'ebé partisipante sira foti mak kona-ba tanba sa mak xefe suku no nia estrutura suku la bele foti desizaun kona-ba loos no sala bainhira mosu problema ruma iha suku laran⁷⁵.

Partisipante sira hosi Suku Beloi, Dili hato'o sira-nia preokupasaun kona-ba lala'ok justisa formál iha Timor-Leste liga ho oinsa atu prosesu kazu krime no kazu sivíl inklui kazu krime sira ne'ebé involve ema estranjeiru sira no oinsa atu halo prosesu. Aleinde ne'e partisipante sira mós husu kona-ba direitu fetu ba eransa oinsa ho sidadaun ne'ebé akupa rai estadu no ema estranjeiru ne'ebe kaben ho fetu Timoroan bele hetan direitu ba rai no eransa iha Timor-Leste⁷⁶.

Partisipante sira hosi Suku Leimea, Ermera foti kestaun sira relasiona ho situasaun política atuál, partikularmente ho desizaun Prezidente Repúblika nian hodi la halo nomeasaun ba lista membru governu ne'ebé iha kazu krime, liu-liu relasiona ho kestaun konstitusionalidade no legalidade. Kestaun seluk mak relasiona ho akuzasaun Ministériu

⁷³ Bele hare direita iha wesite JSMP: http://jsmp.tl/wp-content/uploads/PR-Treinamentu-Grupu-LGBT-Manatuto_TETUM.pdf

⁷⁴ Bele haree iha website JSMP: http://jsmp.tl/wp-content/uploads/PrTreinamentuLGBTJuridisaunSUAID-FAT_Tetum.pdf

⁷⁵ Bele haree iha website JSMP: http://jsmp.tl/wp-content/uploads/2018/01/PrTreinamentuDistrituErmeraDFAT_TETUM.pdf

⁷⁶ Bele haree website JSMP: http://jsmp.tl/wp-content/uploads/2018/06/PrTreinamentuProjeituDFATAuoro_TETUM.pdf

Públiku nian ne’ebé iha kazu balun katak la iha evidensia suficiente maibé prokurador sira nafatin halo akuzasaun⁷⁷.

Kestaun importante sira ne’ebé partisipante sira hosi Suku Usitaco no Lelaufe, Naimeco RAEOA foti durante diskusaun mak kona-ba direitu no liberdade, partikularmente ba labarik sira ne’ebé mak inan-aman ko’alia ba sira maibé sira lakohi rona, tanba de’it nia iha direitu no liberdade. Situsaun sira ne’e kontribui ba ikus-ikus ne’e labarik feto barak mak isin rua sedu. Se mosu problema hanesan ne’e, ida ne’e oinsa atu revolve?

Kestaun direitu, partisipante sira mós foti kestaun devér relasiona ho membru komunidade sira ne’ebé la kumpri sira-nia devér hodi kontribui ba servisu no atividade komunitáriu sira iha suku nian no meiu saida mak autoridade lokál sira, bele uja?. Aleinde ne’e, Partisipa sira mós sei kestiona sistema demokrasia ne’ebé estadu adopta no sira prefere aplika sistema monarkia ka sitema liurai (“kerajaan”) atu trata no rezolve sira-nia asuntu ka problema iha komunidade laran.

Iha parte seluk partisipante sira balun mós husu kona-ba demokrasia no direitu, no tanba sa mak povu hili tiha deputadu sira no depois sira foti desizaun ida ne’ebé la tuir povu nia hakarak hodi kria situasaun política ne’ebé halo povu nafatin sai vítima⁷⁸.

Asuntu no preukupasaun importante sira ne’ebé partisipante sira hosi Suku Dilor, Viqueque foti durante sesaun treinmentu hirak ne’e mak kestaun Parlamentu Nasional la aprova programa Governu VII nian no kestaun disolusaun ba Parlamentu Nasional nomós kestaun eleisaun antesipada. Partisipante sira kestiona katak la justu ba sira tanba sira hili tiha deputadu sira ba tur iha Parlamentu Nasional, sira la haree didiak programa governu nian hodi aprova atu bele hatan ba nesesidade povu nian, maibé sira rejeita fali. Tanba ne’e partisipante sira husu se iha opsaun ka dalan ruma atu bele halo prosesu hasoru deputadu sira ka lae. Aleinde ne’e partisipantes sira mós kestiona kona-ba disolusaun Parlamentu Nasional no eleisaun antesipada.

Aleinde kestaun direitu, partisipante sira mós foti kestaun devér relasiona ho membru komunidade sira ne’ebé la kumpri sira-nia devér hodi kontribui ba servisu no atividade komunitáriu sira iha suku nian no meiu saida mak autoridade lokál sira, bele uja?.

⁷⁷ Bele haree kompeitu iha website JSMP: http://jsmp.tl/wp-content/uploads/PrPWPTreinamentu-ih-Leimeia-Leten-Atsabe_TETUM.pdf


⁷⁸ Bele haree iha website JSMP: http://jsmp.tl/wp-content/uploads/PrPWPTreinamentuOECUSSE_DFAT_TETUM.pdf

Aleinde ne'e, Partisipa sira mós sei kestiona sistema demokrasia ne'ebé estadu adopta no sira prefere aplika sistema monarkia ka sitema liurai ("kerajaan") atu trata no rezolve sira-nia asuntu ka problema iha komunidade laran.

Preokupasaun sira komunidade nian ne'e relevante tebes atu órgaun no instuisaun sira Estadu nian bele tau iha konsiderasaun no kria mekanizmu ida-ne'ebé di'ak atu bele habelar informasaun importante sira kona-ba asuntu político-lejizlativu no asesu ba justisa formál. Nune'e mós envolve ativamente públigu iha prosesu lejizlativu nian liuhosi halo konsultasaun públigu parte interesadu hotu.

Liuhosi treinamentu sira ne'e, lider no membru komunidade sira bele hasa'e sira-nia koñesimentu kona-ba demokrasia, knaar órgaun soberanu sira Estadu nian, partisipasun públika iha prosesu halo lei no asesu ba justisa formal. JSMP avalia rezultadu sira ne'e liuhosi kestionáriu pre no pos teste ne'ebé uza iha treinamentu sira ne'e.

Gráfiku 14 Rezultadu pre no pós teste hosi treinamentu kona-ba demokrasia no asesu ba justisa suku




Aleinde preokupasaun komunidade no komunidade LGBT sira, JSMP mós halo avalisaun depoisde treinamentu hotu liuhosi kestionáriu sira pre no pos teste nian, resposta "Sala" ne'e nu'udar resposta sala ka hanesan ho resposta "La hatene" katak la iha koñesimentu ba asuntu.

Bazeia ba gráfiku sira iha leten ne'e, rezultadu sira pre teste (teste antes) hosi treinamentu sira hotu ba konsellu suku no komunidade hatudu katak resposta "sala" ho "la hatene" konstitui 36%. Rezultadu pos teste ne'ebé hala'o depoisde treinamentu

hatudu katak koñesimentu líder no membru komunidade sira ne'ebé partisipa iha treinamento sira ne'e sa'e 16% hosi 64% ba 80%.

Gráfiku 11 Rezultadu pre no pós teste hosi treinamento kona-ba demokrasia no asesu ba justisa suku



Rezultadu gráfiku sira iha komunidade LGBT nian iha pre teste hosi treinamento sira hotu hatudu katak koñesimentu membru komunidade LGBT sira ne'ebé partisipa iha treinamento sira ne'e sa'e 18% hosi 62% ba 80%.

Semináriu Rejionál

Aleinde treinamento, JSMP mós organiza semináriu rejionál tuir juridisau tribunál sira hodi konvida reprezentante hosi Parlamentu Nasional, Tribunál, Ministériu Públiku no Defensoria Pública hodi mai halo apresentasaun kona-ba sira-nia servisu, sesesu no dezafiu sira. JSMP hosi nia parte apresenta nia deskobrimentu sira iha setór lejizlativu no justisa nian ba partisipante sira.

Partisipante sira iha semináriu ne'e mai hosi reprezentante sira hosi membru konsellu suku no membru grupu LGBT sira ne'ebé hetan ona treinamento. Objetivu hosi semináriu ne'e mak atu fasilita kontaktu direta entre membru deputadu no autor judisiáriu sira ne'ebé bolu ho termu "komunidade hasoru líder ka community meets leaders". Nune'e partisipante sira bele hato'o diretamente sira-nia preokupasaun no kestaun sira ba na'i ulun sira ne'e.

Iha 2018, JSMP organiza semináriu rejionál iha jurisdisaun Tribunál Distritál Suai (TDS) nian iha 23 Maiu 2018 iha Salaun Administrasaun Munisípiu Covalima.⁷⁹ JSMP organiza semináriu rejionál iha jurisdisaun Tribunál Distritál Dili (TDD) iha 08 Juñu 2018 iha Correios, Dili.⁸⁰ JSMP organiza semináriu rejionál iha jurisdisaun Tribunál Distritál Baucau (TDB) iha 14 Juñu 2018 iha salaun tipografia Dieoceses Baucau⁸¹. JSMP organiza semináriu rejionál iha jurisdisaun Tribunál Distritál Oecusse (TDO) iha 20 Juñu 2018⁸².

⁷⁹ Detallu hosi semináriu ne'e bele haree iha nee: <http://jsmp.tl/wp-content/uploads/2018/06/JSMP-apresenta-deskobrimentu-sobre-dezenvolvimentu-set%C3%B3r-leijlativu-no-justisa-ih-a-semin%C3%A1riu-rejion%C3%A1l-Suai-kona-ba-knaar-Parlamentu-Nasion%C3%A1l-no-Sistem-Justisa-form%C3%A1l.pdf>

⁸⁰ Detallu hosi semináriu ne'e haree iha ne'e: http://jsmp.tl/wp-content/uploads/PrPWPSeminariuNasionalDili_TETUM-1.pdf

⁸¹ Detallu hosi semináriu ne'e bele haree iha ne'e: http://jsmp.tl/wp-content/uploads/PR-Semin%C3%A1riu-Rejion%C3%A1l-Distritu-Baukau_TETUM.pdf

⁸² Detallu kona-ba semináriu ne'e bele haree iha ne'e: http://jsmp.tl/wp-content/uploads/PrPWPSeminariuRegionalRAEOAOecussi_TETUM.pdf

Konklusaun no Rekomendasaun

Parlamentu Nasionál Lejizlatura V iha sesaun lejizlativa dahuluk nian, maske iha periodu ida ne’ebé badak no sei marka ho situasaun impase política hatudu mudansa iha sira-nia prezensa iha plenaria nomós partisipasaun iha prosesu lejizlativu no foti desizaun política. Mezmu nune’e, kestaun pontualidade nafatin la iha mundansa no fó impaktu kuórum tantu iha reuniaun plenaria nomós komisaun, ne’ebé fó impaktu diretamente ba produtividade Parlamentu Nasionál nian. Iha lei importante barak mak presiza halo hodi bele fó solusaun ba problema sosiál, política no justisa iha NASAUN ne’e mak Lei Anti-Korrupsaun, Lei Reparasaun no Institutu Memoria Pública, Lei Rai, Lei Kria Orden Advogadu, Lei Protesaun Labarik, nsst. Parlamentu Nasionál la iha Programa Nasionál ba lejizlasaun ba iha lejizlatura ida nian hodi bele orienta Parlamentu Nasionál hodi bele halo planu lejizlativu iha kada sesaun lejizlativa.

Iha parte seluk, situasaun impase política hamosu presedénsia oinoin no prática política ho karater kontra-produtivu ka vingansa política ne’ebé fó impaktu ba interesse Estadu, mezmuke povu no líder política konsegue ultrapasa situasaun la ho risku boot ne’ebé afeta estabilidade nasional. Diskusaun iha plenaria orientadu liu ba dikusaun política ho interesse político partidáriu duke interesse nasional.

Nune’e, JSMP konklui hodi rekomenda ba Parlamentu Nasionál atu:

- 1) dezenvolve Programa Nasionál Lejizlasaun ba iha kada Lejizlatura atu bele tau iha prioriedade lei importante sira ne’ebé iha tinan barak pendente nomós kaduka iha Parlamentu Nasionál mak hanesan Lei Reparasaun no Institutu Memoria Pública atu bele asegura justisa tranzitória ba vítima krime pasadu nian; Lei Anti Korrupsaun atu bele haforsa servisu Ministériu Públiku no CAC iha kombate korrupsaun no Lei Kriasaun Oden Advogadu nian hodi reforsa sistema judisiáriu no asesu ba justisa, Lei Rai atu bele asegura ema hotu nia direitu atu asesu ba rai, Lei Protesaun ba Labarik atu bele asegura no proteje ho di’ak direitu labarik sira nian, no lei importante seluk tan.
- 2) Deputadu sira atu halo tuir Rejimentu Parlamentu Nasionál nian hodi tama sai servisu pontuál no dixiplina nune’e bele hatudu imajen di’ak ba públiku nu’udar órgaun soberanu ne’ebé reprezenta povu no bele halo servisu ho di’ak atu bele aselara lei importante sira.

- 3) Parlamentu Nasionál tenke aplika sansaun dixiplinár ba membru deputadu ne'ebé viola Rejimentu Parlamentu nian, nune'e bele prevene hahalok hanesan akontese iha futuru.
- 4) Evita no hamenus diskusaun no prática política ne'ebé orientadu ba interesse política partidáriu no kontra-produtivu ka vingansa política sira ne'ebé prejudika interesse nacionál.
- 5) Parlamentu Nasionál no instituisaun Estadu relevante sira atu envolve ativamente partisipasaun públiku nian iha prosesu lejizlativu no habelar informasaun kona-ba lei importante sira ne'ebé ligadu ba interesse komunidade sira-nian hanesan Lei Suku, Lei Titulár ba Sasán Imóvel, Lei Espropriasaun, Lei Ordenamento Teritoriu no Lei Kontra Violénsia Doméstika, nune'e bele tulun líder lokál no komunidade sira bele hatene oinsa trata asuntu sira ne'e bainhira akontese iha sira-nia suku ka komunidade.
- 6) Sekretáriu Jerál Parlamentu Nasionál atu bele halo planu no inklui orsamentu ba hadi'a fasilidade ka espasu servisu ne'ebé di'ak no apropiadu ba deputadu sira no funzionáriu sira atu asegura efetividade servisu Parlamentu Nasionál nian.

Aneksu

Tabela aneksu kona-ba lei no proposta lei inklui projeitu rezolusaun sira ne'ebé Parlamentu Nasional aprova iha 2018.

Tabela 1 Aprovisaun ba projetu lei sira iha 2018:

Nú. Inisiativa	Titulu	Data entrada	Data no rezultadu votasaun	Nú. Lei/Estatutu
2/V/1 ^a	Alterasaun dahuluk ba Lei Nú. 13/2005, 2 Setembru kona-ba Lei Atividade Petrolifera	22/10/2018	Konfirmasaun Votu (10/01/2019) F = 41 C = 1 A = 0 (11.53)	Sei iha tribunál nia fiskalizasaun

Tabela 2 Aprovisaun ba proposta lei sira

Nú. Inisiativa	Título	Data entrada	Data no rezultadu votasaun	Nú. Lei
1/V(1 ^a)	Autorizasaun Extraordinária ba Realizasaun Transferésia Ida hosi Fundu Petroliferu (Urzente)	18/07/2018	20/07/2018 F = 35 C = 25 A = 3 (22:20)	N.º 1/2018, hosi 10 Agostu
2/V(1 ^a)	Orsamentu Jerál Estadu ba 2018 (Urzente)	08/08/2018	07/09/2018 F = 42 C = 9 A = 14 (10.22)	N.º 2/2018 hosi 27 Setembru
3/V(1 ^a)	Orsamentu Jerál Estadu ba 2019	08/11/2018	22/12/2018 F = 40 C = 25 A = 0 (12.06)	Seidauk pública

Tabela 3 Aprovisaun ba Projeitu rezolusaun sira

Nú. Inisiativa	Título	Data Entrada	Diskusaun no Votasaun	Data Publikasaun Rezolusaun
1/V/1 ^a	Viajen Prezidente Repúblika Timor-Leste nian ba Indonésia	18/06/2018	21/06/2018 F = 62/95 C = 0 A = 0	1/2018, 27 Juñu
2/V/1 ^a	Eleição de Cinco Membros Efetivos e de Cinco Membros Suplentes para o Conselho de Administração do Parlamentu	26/06/2018 (Eleição)	26/06/2018 F = 38/96 C = 3 A = 22	2/2018, de 04 de Julho

	Nacional.			
3/V/1 ^a	Eleição dos Três Membros para o Conselho Superior Defesa e Segurança.	03/07/2018 (Eleição)	03/07/2018 F = 57/95 C = 0 A = 3 Nulo = 2	3/2018, de 04 de Julho
4/V/1 ^a	Eleição de Cinco Membros para o Conselho de Estado	09/07/2018 (Eleição)	09/07/2018 F = 63/96 C = 0 A = 0	6/2018, de 18 de Julho
5/V/1 ^a	Eleição do Grupo Nacional à Assembleia Parlamentar da CPLP	09/07/2018 (Eleição)	09/07/2018 F = 61/95 C = 0 A = 1	4/2018, de 18 de Julho
6/V/1 ^a	Eleição da Delegação Parlamentar União Interparlamentar (UIP)	09/07/2018 (Eleição)	09/07/2018 F = 63/98 C = 0 A = 1	5/2018, de 18 de Julho
7/V/1 ^a	Viagem Presidente da República de Timor-Leste a Portugal	09/07/2018	09/07/2018 F = 29/98 C = 35 A = 0	Parlamento Não Autorizada
8/V/1 ^a	Aprova o Plano de Ação e o Orçamento do Parlamento Nacional para 2018	01/08/2018	Generalidade 3/8/18 (16.45) F = 36 C = 0 A = 9 Votasaun Final Global 3/8/18(18.53) F = 40/66 C = 0 A = 3	7/2018, de 8 de Agosto
9/V/1 ^a	Cessação da Vigência do Decreto-Lei n.º 3/2018, de 14 de março (Primeira Alteração ao Decreto-Lei n.º 3/2015, de 14 de janeiro-Aprova o Currículo Nacional de Base da Educação Pré-Escolar)	06/08/2018 FRETILIN e PD não participa	06/08/2018 F = 34/54 C = 0 A = 1	8/2018, de 10 de Agosto
10/V/1 ^a	Cessação da Vigência do Decreto-Lei n.º 4/2018, de 14 de março (Primeira Alteração ao Decreto-Lei n.º 4/2015, de 14 de janeiro-Aprova o Currículo Nacional de Base do Primeiro e Segundo Ciclos do Ensino Básico)	06/08/2018 FRETILIN e PD não participa	06/08/2018 F = 34/54 C = 0 A = 1	9/2018, de 10 de Agosto
11/V/1 ^a	Deslocação do Presidente da República de Timor-Leste aos Estados Unidos	07/09/2018	18/09/2018 F = 25/89 C = 33 A = 0	Parlamento Não Autorizada
12/V/1 ^a	Recomenda ao Governo que	25/09/2018	09/10/2018	12/2018, de 10

	tome medidas para a defesa e conservação do meio ambiente.		F = 53/82 C = 0 A = 0 (12.28)	de Outubro
13/V/1 ^a	Reitera os Princípios e Valores da Declaração Universal sobre Democracia	02/10/2018	02/10/2018 F = 49/75 C = 0 A = 0 (12.33)	10/2018, de 10 de Outubro
14/V/1 ^a	Conta Geral do Estado 2016	05/01/2018	04/10/2018 F = 55/84 C = 0 A = 0	11/2018, de 10 de Outubro
15/V/1 ^a	Orçamento Privativo do Parlamento Nacional para 2019	09/10/2018	Generalidade 18/10/2018 F = 32/65 C = 0 A = 10 (15.47) Votasaun Final Global 19/10/2018 F = 32/55 C = 0 A = 4 (19.14)	13/2018, de 24 de Outubro
16/V/1 ^a	Deslocação do Presidente da República de Timor-Leste á Indonésia	07/09/2018	23/10/2018 F = 19/77 C = 31 A = 0 (15.58)	Parlamento Não Autorizada
17/V/1 ^a	Deslocação do Presidente da República de Timor-Leste a Roma	07/09/2018	05/11/2018 F = 26/94 C = 35 A = 0 (17.17)	Parlamento Não Autorizada
18/V/1 ^a	Eleição para o Cargo de Provedor de Direitos Humanos e Justiça		5/11/2018 J: 38/94 H: 23	14/2018, de 6 de Novembro
19	Suspensão do Mandato do Senhor Deputado António da Conceição para Efeitos de Prolongamento de Processo Judicial			